



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




LC 25

9. 10



LC 25.9.10

#19



The Gift of  
Frank Russell Stoddard  
of Plymouth,  
(Class of 1866,)  
2 June, 1863.











Imperfect  
all after p. 72  
lacking

*M*

五

2

1

Wt anal

Handwritten text in cursive script, heavily obscured by ink smudges and stains. The text is written on aged, textured paper. The words are difficult to decipher due to the heavy ink and the state of the document. Some legible fragments include "Wt anal" at the top right, "Wt anal" in the middle right, and "Wt anal" at the bottom right. The central text appears to be a list or a series of entries, possibly related to a medical or scientific study, given the context of the word "anal".

# CATONIS DISTICHA DE MORIBUS.

in Scholiis DES. ERASMI, Roterod.

*Adjecta sunt*

*dicta Græca Sapientum, Interprete Erasmo Roterodamo.*

*idem per Ausonium, cum Erasmi doctissima Enarratione.*

*imi Publani, ejusdem Erasmi restitutione, cumque Scholiis ejusdem.*

*peratis ad Dæmonicum Oratio Parænetica, longè ad juventutis mores vitè formandos utilissima.*

*Optimorum Exemplarium fidem recensita, & mendis quam plurimis repurgata.*

LONDINI;

typis H. WOODFALL, Impensis Societatis Stationariorum. M.DCC.XXVII.

LC 25.9.10

1863. June 2

wife of  
Frank Russell Stoddard  
of Plymouth  
Class of 1866.

~~Frank Russell Stoddard~~

To any of  
my orders

and you must  
superannuating  
and have on  
any man who

pretends to be  
a friend to

our country  
with gifts

Wm

26.70  
19

Libellus elegantissimus qui inscribitur  
**A TO**, de Præceptis vitæ communis,

*Erasmio Roterodamo Castigatore & Interprete.*

*Præfatio, cum brevissimis Præceptis.*

**C**UM animadverterem quàm plurimos homines graviter errare in via Morum, succurrendum & consulendum eorum opinioni fore existimavi, ut maximè & gloriosè viverent, & honorem contingerent. Nunc te, fili charissime, docebo quo pacto mores animi tui componas.

Igitur præcepta mea ità legas, ut intelligas: Legere enim, & non intelligere, negligere est.

*Itaque Deo supplica; Parentes ama.*

Prima pietas est in Deum; Proxima in Parentes.

*Cognatos cole.*

Tertia in reliquos cognatos. Supplicamus Deo sacrificiis. Amamus Parentes, dum observamus & obsequimur. Colimus Cognatos officiis & consuetudine vitæ.

*Magistrum metue.*

Olim dabatur Ingenuis pueris Pædagogus, quem ererentur: nunc Magistrum vocant. Et animadvertere propriam: Deo supplicandum est, Parentes amandi, Cognati colendi, Magister metuendus.

*Datum serva.*

Quod tuæ creditum est fidei, id serva veluti depositum.

*Foro te para.*

Id est, His Artibus te exerceas, ut possis in foro verari: hoc est, in causis agendis. Nam hic olim erat primus gradus ad honores summos. Legi in quibusdam vetustissimis codicibus [*Foro pare*] id est, Accommoda te rebus præsentibus; quemadmodum dicimus [*uti foro*]

propter hoc non est curandum

vo.] Cum hoc interpretamento consentit Græcus *P*  
*nudes* ; neque dubium est quin hæc sit germana lectio.

*Cum bonis ambula.*

Cum optimis habeto consuetudinem ; nam p  
 mum, talem te judicabunt, cum quibus conspe  
 erint te consuetudinem agere : deinde bonorum co  
 visu reddêris melior.

*Ad consilium ne accesseris, antequam voceris.*

Nè ingeras teipsum alienis negotiis, sed accersis  
 accedas.

*Mundus esto.*

Id est, neque sordidus, neque luxuriosus, sed e  
 ganti munditie.

*Saluta libenter.*

Conciliat enim comitas & affabilitas multorum  
 nevolentiam, & alit partam.

*Majori cede.*

Id est, Noli certare cum potentioribus.

*Minori parce.*

Id est, Noli sævire in eos qui sunt te inferiores  
 sed illis concede nonnihil.

*Rem tuam custodi.*

Nè profundas temerè facultates tuas, ne vel tu  
 piter egeas, vel turpius rem pares.

*Verecundiam serva.*

Id est, serva te incontaminatum ac purum ab inqu  
 namentis libidinum : Castum enim, verecundum d  
 cimus. Est autem ætatis flos his periculis obnoxius

*Diligentiam adhibe.*

Cura in omni re plurimum valet : negligent  
 semper comitem habet infelicitatem.

*Libros lege.*

Nam ex his citò discitur, quod longo vitæ u  
 vix assequi queas.

*Quod legeris memento.*

Nam quidam onerant se lectione, alia super ali  
 ingerentes, neque quidquam insculpunt memoriz.

*Familiam cura.*

Domestica negotia tibi curanda sunt, non aliena

*Blandus esto.*

Id est, comis in congressu.

*Ira*

*Iraſci abs re noli.*

**Ne** ſis meroſus : Nam omnino non commoveri, ſi-  
tis eſt potiùs quàm hominis.

*Neminem irriſeris.*

**Eſt** argumentum arrogantis ſtultitiæ. Vel,

*Miſerum nè irriſeris.*

**Sic** enim quidam codices habent : hoc eſt, Animi  
tia rideri merentur : calamitas miſericordiam me-  
tur potiùs quàm riſum.

*Mutuum dato. Cui des videto.*

**Eſt** quidem aliquando danda pecunia mutuò, ſed  
on quibuſlibet, ſed reddituris bonâ fide, ſed dignis  
fficio, denique iis quibus non graveris & dono dare.

*Judicio adeſto.*

**Adſunt** advocati : & id olim erat officium præci-  
um in amicos, Adeſſe judiciis.

*Convivare raro.*

**Sæpius** vocare ad convivium exhaurit ſubſtantiam,  
æpius ire ad convivium ſordidum eſt : at rariùs  
trumque facere, humanitatis eſt.

*Quod ſatis eſt dormi.*

**Hoc** eſt, non ad voluptatem, ſed ad neceſſitatem  
naturæ.

*Fuſjurandum ſerva.*

**Non** eſt temerè jurandum : quod autem jurâris  
præſtandum eſt, niſi ſcelus ſit quod jurâris.

*Vino tempera.*

**Eſto** moderatus in vino ; vel abſtine à vino : nam  
adoleſcenti dare vinum, eſt oleum igni addere.

*Pugna pro patria.*

**Pugnandum** eſt non pro quavis re, ſed pro deſenſi-  
one patriæ. Nam, *Carum* more, mercede pugnare  
carpiſſimum eſt, & plus quàm gladiatorium.

*Nihil temerè credideris.*

**Id** eſt, nè facilis ſis ad credenda quævis, quæ di-  
cuntur.

*Tu te conſule.*

**A** teipſo pete conſilium qui te tuâque optimè  
noſti.

*Handwritten signature*  
A 3

Tuto

*Tutò consule.*

Id est, cave à consiliis periculosis, vel, Tuta consilia sequere. Nam duplex est lectio.

*Meretricem fuge. Literas disce.*

Ætas enim prima studio literarum optimè coercetur à scortis.

*Nihil mentiri debes.*

Turpe in puero ingenuo omne mendacium.

*Bonis benefacito.*

Beneficia non sunt ferenda nisi in bonos: alioquin perunt.

*Maledicus ne esto.*

Id est, A conviciis tempera, neque carpas vitam alicujus.

*Existimationem retine.*

Bonam famam tuere, ne perdas. Perit enim facile at non facile sarcietur.

*Æquum judica.*

Id est, non ad lucrum, aut ad gratiam; sed ad regulam æquitatis.

*Parentes patientiâ vince.*

Ferendi sunt parentes, etiam iniquiores.

*Beneficii accepti memor esto.*

Nam dati pulchrum est oblivisci: accepti vero meminisse decet.

*Ad pratorium statò.*

Multa enim discuntur in agendis causis.

*Consultus esto.*

Id est, Calleas scientiam & morem juris, ut possis amicis opitulari.

*Uttere virtute.*

Non viribus, neque dolo.

*Iracundiam tempera.*

Ante monuit non esse irascendum sine causa: Nunc admonet justam iram moderandam esse.

*Trocho lude. Aleas fuge.*

Trochus convenit pueris. Alea infamis erat & apud Gentiles; nunc principum Christianorum lusus est; imo



io quorundam etiam sacerdotum deliciæ.

*Nihil ex arbitrio virium feceris.*

yrannicum enim est respicere quantum possis,  
on quantum liceat.

*Minorem te non contempseris.*

e fastidias inferiorem te; quod est clati, non cor-  
ati.

*Aliena concupiscere noli.*

sto contentus tuis.

*Conjugem ama.*

It omnium fortunarum sociam.

*Liberos erudi.*

ilios castiga & instrue.

*Patere legem quam ipse tuleris.*

Quam conditionem præscribis aliis, eadem utere ipse  
n alios.

*Pauca in convivio loquere.*

It sit aliis loquendi locus.

*Illud stude quod justum est.*

Quod turpe factum est, id nè affectes.

*Amorem libenter ferto.*

Odium omnibus modis fugiendum est: Amor am-  
plectendus. Etiam si quis parum dignus est qui reda-  
metur, ramen amari te patere.

## DISTICHORUM DE MORIBUS LIB. I. PRÆFATIO.

Dei cultus præcipuus.

**S**I Deus est animus, nobis ut carmina dicunt,  
Hic tibi præcipue sit purâ mente colendus.

Vulgus æstimabat Deum placari victimis pecudum  
rebusque corporeis: verum cum Deus ipse sit animus,  
hoc est, mens, non corpus, & consentaneum est simile  
gaudere simili; nimirum potissimum colendus est puri-  
tate mentis. Quin & hodie vulgus Christianorum cor-  
poreis quibusdam Ceremoniis colit Deum, cum gratif-  
simus cultus sit animi pietas. Tales enim adoratores  
quærit pater qui in spiritu adorent, cum ipse sit spiritus.  
Nulla gratior pieras Divis, quam si vitam illorum imi-  
teris;

teris; hoc est, tolerantiam, mansuetudinem, castitiam : atq; hæc animi sunt. (*Animus est Deus*) si quantum potes à corpore te abducas, & ad illud quantum potes accedas, & gratissimum immolâris sacrificium. (*Purâ mente*) Nam vulgus, lotis manibus pedibus, ad sacrum accedebat. Tu mentem purgâ hujus sordes Deum offendunt, qui videt ea quæ sunt in animo non in corpore. (*Si Deus*) Si hic non dubitantis est, sed ratiocinantis. (*Ut carmina*) Nam *Virg.* sexto *Æneid.* Deum spiritum & mentem vocat. (*Præcipue*) Ut intelligas non damnari cultum corporalem, sed hunc tamen, nempe animi, esse Deo gratissimum.

Somnolentia vitanda. II.

*Plus vigila semper, nè somno deditus es:*

*Nam diuturna quies vitiiis alimenta ministrat.*

Sensus est, cum vita vigilia sit, (juxta *Plinium*) cavendum est, nè maximam vitæ partem somno perdamus; præsertim cum è somnolentia vitia multa nascantur & corporis & animi.

Cohibenda Lingua. III.

*Virtutem primam esse puta, compescere linguam :*

*Proximus ille Deo, qui scit ratione tacere.*

*Primam*) id est, summa maximaq; virtus est, moderari linguam nè quid temerè loquaris. Deus enim qui sapientissimus est rarè loquitur, & non nisi necessaria, cum nihil non videat, nihil non intelligat. Itaq; proximus est Deo, qui sapienter & animi judicio novit tacere.

Sibi ipsi conveniendum est. IV.

*Sperne repugnando tibi tu contrarius esse :*

*Conveniet nulli qui secum dissidet ipse.*

Qui secum ipse pugnat, nec sibi constat, huic cum aliis convenire non potest. Hoc est, qui moribus est inæqualibus, nec ullo certo vitæ instituto, is non est aptus ad aliorum consuetudinem.

Nemo temerè culpandus. V.

*Si vitam inspicias hominum, si denique mores,*

*Cum culpas alios, nemo sine crimine vivit.*

Mortales aliorum notant vitiâ, sua non vident : cum nullus

Nullus vitii careat, si quis propriam vitam & mores  
 opius excutiat.

Utilitas Divitiis anteponenda. VI.

*Qua nocitura tenes, quamvis sint chara, relinque.*

*Utilitas opibus praponi tempore debet.*

Aliquoties expedit in loco res charissimas abjicere,  
 ericulum adferant: veluti gemmas & aurum, quò vi-  
 a fit in tuto; aut voluptates, quò valetudini consula-  
 rus. Non enim voluptates spectari debent, si uti-  
 itas.

Mores pro tempore mutandi. VII.

*Constans & lenis, ut res expostulat, esto:*

*Temporibus mores sapiens sine crimine mutat.*

Pro tempore licet alios atque alios mores sumere, ut  
 nodò gravis sis, modo lenis: hoc est placidus ac temis-  
 us, pro re pro locoq; Vide num legendum sit *lenis* pro  
*lenis*, quò magis respondeat ad *Constans*, ut sit sensus:  
 Aliquando persistendum in sententia, aliquando mu-  
 tandum consilium pro tempore. Porrò versus consti-  
 bit, si legas *Constans & lenis ut res cunq; expostulat, esto*. Ne-  
 que dubitem affirmare hanc germanam esse lectionem.

Uxori non semper assentiendum. VIII.

*Nil temerè uxori de servis crede querenti:*

*Sape etenim mulier, quem conjux diligit, odit.*

Illud uxoribus ferre peculiare est, ut maritos insti-  
 gent in fervos; unde monet, nè temerè fidem habe-  
 ant hujusmodi querelis.

Instandum correctioni amici. IX.

*Cumque mones aliquem, nec se velit ipse moneri;*

*Si tibi sit charus, noli desistere cœptis.*

Non satis est, leviter admonere peccantem amicum; ur-  
 gendus est, insistendum est, ut vel improbitate vincas,  
 quid erit quod ad famam illius aut salutem pertineat.

Stulti verbis non vincuntur. X.

*Contra verbosos noli contendere verbis:*

*Sermo datur cunctis, animi sapientia paucis.*

Si cum cordatis agas, non est opus multis verbis. Si  
 cum stulto, frustra contendis, propterea quod stulti-  
 tia verbosissima sit.

Amicus

Amicus sibi quisque. XI.

*Dilige sic alios, ut sis tibi charus amicus :*

*Sic bonus esto bonis, ne te mala damna sequantur.*

Sic amicis utere, ut ipse tibi sis proximus ; sic alii benefac, tibi ipsi ne noceas. In priori versu, est multa redditio similium, in *Dilige & Amicus* ; in secundo, contrariorum, in *Bonus & Mala*.

Rumores spargere veritum. XII.

*Rumores fuge, nè incipias novus author haberi :*

*Etiam nulli tacuisse nocet, nocet esse locutum.*

Nè quid in vulgus sparseris, propterea quod rumor sæpenumero in ejus caput recidit à quo profectus est. Si rumor nihil habet periculi, tamen nihil nocet siluisse ; si quid habet, nocet locutum esse.

Fides aliena non permittenda. XIII.

*Rem tibi promissam certò promittere noli :*

*Rara fides ideo est, quia multi multa loquuntur.*

Noli certè promittere quidquam alieni promissi fiducià. Quod in te situm est, id præstare potes : alienam fidem præstare non potes. Et vulgus hominum, ad pollicendum facillimum, in præstando sæpe fallit.

Judex quisque sui. XIV.

*Cum te quis laudet, judex tuus esse memento :*

*Plus aliis de te, quam tu tibi, credere noli.*

Nè te ipsum æstimaveris aliorum laudatione, sed tui ipsius conscientia. Te ipsum interroga qualis sis : & si quis tibi responderit te longè alium esse quàm hic aut ille te facit, magis credere debes tibi-ipsi, cui ipse notior es, quàm aliis.

Beneficiorum ratio. XV.

*Officium alterius multis narrare memento :*

*Atque aliis cum tu benefeceris, ipse sileto.*

Beneficii accepti meminisse oportet, oblivisci datæ. Qui dat beneficium, ejus est dissimulare se dedisse ; ne commemorando videatur exprobrare : ejus qui accipit, est passum prædicare, ne videatur ingratus & immemor.

Senio bene gesta referenda. XVI.

*Multorum dum facta senex & dicta recenset,*

*Fac tibi succurrant juvenis quæ feceris ipse.*

nes, qui multa viderunt & audierunt, multorum  
ita factaque solent referre. Sed curandum est, ut  
et nos geramus in juventute, ut in senectute suc-  
currat nobis, non solum quid alii rectè dixerint ac-  
ceperint, verùm etiam nos ipsi.

Suspicionis labes fugienda. XVII.

*Nè cures, si quis tacito sermone loquatur ;*

*Consciens ipse sibi de se putat omnia dici.*

Cùm videris quosdam inter se secretò colloqui,  
non statim suspiceris eos malè de te loqui ; nam id  
ignum est hominis malè sibi conscii.

In prosperis de adversis cogitandum. XVIII.

*Cùm fueris felix, quæ sunt adversa caveto :*

*Non simili cursu respondent ultima primis.*

in rebus secundis, nè quid accidat adversi caven-  
dum est : solet enim secunda fortuna sæpius verti  
in adversam, & lætis initiis addere tristem exitum.  
Irgo cùm secundæ res sunt maximè, tum maximè  
meditandum quo pacto adversam fortunam feras ; nè,  
inexpectata venerit, & improvisum te oppresserit  
calamitas, succumbas.

Mors alterius non speranda. XIX.

*Cùm dubia & fragilis sit nobis vita tributa,*

*In morte alterius spem tu tibi ponere noli.*

legendum est hoc hæredipetis, & qui testamentis  
adhiant. Fit enim sæpenumero, ut qui mortem al-  
terius expectat, prior ipse moriatur, etiamsi junior  
ut robustior fuerit. Nam ipsa hominis vita fragilis  
& incerta res est, & quovis casu abrumpitur.

Animus in dono æstimandus. XX.

*Exiguum munus cùm dat tibi pauper amicus,*

*Accipito placide, plenè & laudare memento.*

Munera sunt æstimanda non suo pretio, sed animo do-  
antis. Itaque legimus summos principes aquam manu  
lavæ haustam, & pomum oblatum, summa cum alacri-  
tate

tate perinde ut maximum munus, accepisse. (*Accipito placide*) Alacri vultu, ut ostendas, tibi gratum esse (*Et plene*) id est, non malignè, sed candidè, ut præferas pro exiguo munere te multum debere.

Paupertatis tolerantia. XXI.

*Infantem nudum cum te natura creârit :*

*Paupertatis onus patienter ferre memento.*

Cum natura nudos produxerit, satis intelligere possumus divitias alienas esse, neq; secundum homini naturam. Si membrum perdas, est fortasse quod doleras, aliquid tui decessit : si opes auferantur, aut non contingant, noli valde cruciari : siquidem in his quæ verè sunt hominis, nihilo plus habent reges quam pauper. Vis scire quid verè tuum sit ? Cogita quid habueris cum nascereris.

Mors non formidanda. XXII.

*Ne timeas illam quæ vitæ est ultima finis :*

*Qui mortem metuit, quod vivit perdit id ipsum.*

Qui mortem timet non solum non effugit mortem, sed insuper hoc ipsum vitæ quod datur perdit : nam anxie vivere non est vivere.

Ingratorum ingratitude fugienda. XXIII.

*Si pro meritis nemo respondet amicus,*

*Ingratum Deum noli, sed te ipse coerce.*

Nihil acerbius quam amicus ingratus, quod tamen si acciderit, non est imputandum Deo, tanquam illius acciderit culpâ, quin potius te ipsum coerce, ne deinde benefacias ingratis : quidam enim, si beneficium fortuna non respondeat. Superos incusant, dicentes eos non habere rationem rectæ factorum ; cum ejus acciderit culpâ, qui sine delectu contulit beneficium.

Frugalitas. XXIV.

*Nè tibi quid desit, quasitis utere parcè :*

*Utque quod est serves, semper tibi deesse putato.*

[*Ut utere parcè*] id est, modice non profusè [*quasitis*] id est, partis. Et ut serves quod habes, semper imaginare tibi deesse, ut semper aliquid addas. Sera autem (ut inquit *Hesiodus*) in fundo parcimonia est.

Pro-

detur affectantis inanem gloriam : nam & qui se vituperat, ob id facere videtur, ut refellatur ab aliis, & diversa audiat.

Parcimonia. XVII.

*Utere quasitis parcè, dum sumptus abundat :*

*Labitur exiguo, quod partum est tempore longo.*

Sera in fundo parcimonia : dum adhuc multum superest, incipe parcius uti ; citius enim effluunt parva quàm colliguntur.

Supercilium nonnunquam deponendum. XVIII.

*Inspiciens esto, cum tempus postulat aut res :*

*Stultitiam simulare loco, prudentia summa est.*

Aliquando ponendum est supercilium & remittenda severitas, ut in conviviis, in lusu deponenda persona sapientis, sumenda persona stulti, præsertim inter stultos ; at ità ut stultum agas, non ut stultus fias : summa enim prudentia est scire tempori. Loco, id est cum est opportunum : ita Terent. In loco vero laudo,

Neque prodigus, neque avarus. XIX.

*Luxuriam fugito, simul & vitare memento*

*Crimen avaritia ; nam sunt contraria summa.*

Pugnant inter se luxus & avaritia : nam alterum est profusi, alterum sordidi : utrumq; vitium juxta fugiendum est, utpote quod fœdam pariat famam : siquidem qui nimium parci sunt, audiunt κρυνοπρίται, id est, cumini sectores, & σῦνα μίριτε, id est, fici divide, similiaq; qui luxu sua profundunt, Nepotes & Lurcones appellantur.

Loquaci parum credendum. XX.

*Noli tu quadam referenti credere semper :*

*Exigua iis tribuenda fides, qui multa loquuntur.*

Non statim fides habenda iis qui semper aliquid novi rumoris adferunt, deque aliorum factis renunciant aliquid : parum enim credendum iis qui multa loquuntur ; propterea quod huic vitio vanitas solet esse admixta.

Ebrius vinum non accuset. XXI.

*Qua potu peccas, ignoscere tu tibi noli :*

*Nam nullum crimen v'ni est, sed culpa bibentis.*

Vulgus ita solet excusare sua peccata, Vinum in causa

fuit. Benè potius hoc dixi. Verùm tibi ipsi imputa, non vino ; quod tuo vitio noxium fuit, non suo.

Amicis consilia credenda. XXII.

*Consilium arcanum tacito committe sodali :*

*Corporis auxilium medico committe fideli.*

In rebus arcanis & tacendis cave ne quemvis consulas, sed cum duntaxat cujus fidem in tacendo perspectam habeas, nè non solùm non opituletur, sed lædat etiam & infamet. Neque enim corporis vitia cuivis aperias, sed Medico notæ fidei, qui celet & succurrat.

Successus malorum nè te offendat. XXIII.

*Noli succensus indignos [tu] ferre molestè :*

*Indulget fortuna malis ut ladere possit.*

In hoc versu multi laborant : Quidam [s] elidunt in *succensus* ; verùm si tu tolles *tu*, dictionem planè hic supervacuam, nihil supererit scrupuli. Nec te cruciet prosperitas quæ nonnunquam contingit indignis. Non enim illis favet fortuna, sed insidiatur, & illicitur postea gravius lædat.

Futuros casus prævidendos. XXIV.

*Prospice, qui veniunt, hos casus esse ferendos :*

*Nam levius ladit quicquid prævideris antè .*

Quicquid accidere potest homini, id antequam accidat tecum meditare, ut ne subitum sit si acciderit. Minus enim cruciant mala quæ non accidunt inopinanti.

Animus in adversis spe fovendus. XXV.

*Rebus in adversis animum submittere noli :*

*Spem retine ; spes una hominem nec morte relinquit.*

Cùm fortuna sævit, sustine te ipsum animi fortitudine, ac serua rebus secundis, nec abjicias spem, quæ sola nec morientem relinquit. Quamdiu enim anima est, spes est. Et in Pyxide Pandora sola spes in labro hæsit. Item *Quid Vivere spe vidi, qui moriturus erat.*

Opportunitas, cum contingit, tenenda. XXVI.

*Rem, tibi quam nosces aptam, dimittere noli :*

*Fronte capillatâ, post est Occasio calva.*

Quoties fortuna offert commoditatem aliquam, quæ tibi sit apta, statim arripe : Nam occasio frontem habet capil-



capillatam, ut eâ parte teneri possit; verum si semel se verterit, ab occipitio calva est, ut jam apprehendi nequeat. Hoc est, opportunitas cum contingit teneri potest, non redit autem cum velis, si neglexeris. Hic admonendum illud quod Græci fingunt de Deo cæco de quo nos copiosè in Proverbijs.

Futura ex præteritis colligenda. XXVII.

*Quod sequitur, specta; quodq; imminet antè, videto.*

*Illum imitare Deum qui partem spectat utramque.*

Ex præteritis futura collige; ex præteritis benè secus-  
ve gestis consilium cape, quo pacto futuris occurras; exemplo Jani Dei Romani, quem bifrontem finge-  
bat antiquitas quòd oporteat prudentem virum *πρόσω* & *ὀπίσω*. id est, à fronte & à tergo (ut inquit Home-  
rus) habere oculos: illud autem sequitur nos, quod præterit, & à tergo est.

Vitæ ratio habenda. XXVIII.

*Fortior ut valeas, interdum parçior esto:*

*Pauca voluptati debentur, plura saluti.*

Vitæ rationem moderare, magis ex salutis ac bonæ va-  
letudinis ratione, quàm voluptatis: Non enim in mor-  
bo tantum oportet ab intemperantia cavere; verum  
etiam cum rectè valemus, parcius utendum est rebus  
omnibus, nempe somno, potu, cibo, Venere, lusu, ne in  
morbum incidamus. Etsi nonnihil dandum est volup-  
tati, multò plus tamen saluti; quâ perditâ pereunt si-  
mul & voluptates omnes.

Multitudini cedendum. XXIX.

*Judicium populi nunquam contemseris unus:*

*Ne nulli placeas, dum vis contemnere multos.*

Nunquam optima placent multitudini; tamen sapien-  
tis est non pugnare solum adversus universos. Nam  
frustrâ sapit qui solus sapit, cum omnibus desipere  
videatur.

Valetudo curanda. XXX.

*Sit tibi præcipuè, quod primum est, cura salutis:*

*Tempora ne culpes, cum sis tibi causa doloris.*

Ante omnia bonæ valetudinis rationem habe, ne, si tua  
intemperantia in morbum incideris, postea pudore reji-

eias culpam in oeli insalubritatem aut soli, sicuti vulgus solet: nam plerique morbi nobis accidunt ex intemperantia vitæ.

Somnia non observanda. XXXI.

*Somnia nè cures, nam mens humana quod optat,*

*Dum vigilans sperat, per somnum cernit id ipsum.*

Quidem anxie observant sua somnia, & ex his de futuris æstimant, cum somnia dormientium nascantur ex affectibus vigilantium; neque significant quid sit eventurum, sed quod aliquando cogitaveris, dormiendi repræsentent.

## DISTICHORUM DE MORIBUS LIB. III. PRÆFATIO.

**H**OC quicunque voles carmen cognoscere, Lector,  
Quum præcepta ferat, quæ sunt gratissima vitæ:

Commoda multa feres: sin autem spreveris illud,

Non me scriptorem, sed te neglexeris ipse.

Instrue præceptis animum, nec discere cesses:

Nam sine doctrina vitæ est quasi mortis imago.

Hoc est præmii loco. Absque ratione bene vivendi vitæ non est vitæ, sed simulachrum mortis. Hoc carmen utilissima vitæ præcepta tradit, si studeas cognoscere: sin spreveris, te ipsum contempseris, non scriptorem; quidem tua res agitur, non illius.

Rectè agendo, aliorum linguam nè timeas. I.

*Cum rectè vivas, ne cures verba malorum:*

*Arbitrii non est nostri quid quisque loquatur.*

Si malè de te loquuntur mali, cum tu nihil facias mali, esto contentus conscientia rectè factorum: nam in te situm est ut bene agas: non est in te situm quomodo de te loquatur hic aut ille.

Amici crimen celandum. II.

*Productus testis, salvo tamen antè pudore,*

*Quantumcumque potes celato crimen amici.*

Si fueris testis in crimine amici, celabis pro virili maleficio illius: ita tamen ut ipse non ædas famam tuam;

tuam, & tantum silentii dabis amicitiae, quantum patitur & fama tua & testimonii religio.

## Blandiloquentia suspecta. III.

*Sermones blandos blasphemae cavere memento :*

*Simplicitas veri norma est ; frons, ficta loquendi.*

Veritatis simplex est oratio, insidiosa est blandiloquentia ; proinde suspecta semper esse debet prudentibus.

## Ignava vita fugienda. IV.

*Segnitiam fugito, quae vitae ignavia fertur ;*

*Nam cum animus languet, consumit inertia corpus.*

Ignava & otiosa vita fugienda est : nam torpor animi corpori quoque situm & languorem adducit ; animi exercitatio corporis quoque valetudini confert.

## Animus fessus relaxandus. V.

*Interpone tuis interdum gaudia curis,*

*Ut possis animo quemvis sufferre Laborem.*

Animus, seriis negotiis fatigatus, aliquando relaxandus est honestis ac moderatis voluptatibus, ut redintegratis viribus ad ferendos labores sufficiat. Nam Quod caret alternâ requie durabile non est.

## Malo animo neminem reprehendas. VI.

*Alterius dictum aut factum ne carpservis unquam ;*

*Exemplo simili ne te derideant alter.*

Quod in alios feceris, hoc in te fiet ab aliis. Si libenter reprehendas aliorum facta dictaque, tuo exemplo & alii in te utentur.

## Hæreditas augenda. VII.

*Qua tibi sors dederit tabulis suprema notato :*

*Augendo serva, ne sis quem fama loquatur.*

Quod tibi obvenit ex testamento tuorum, id serva, ne fias vulgo fabula. Quae sors suprema (id est) hæreditas dederit tibi ; notato, id est, inscribe tabulis instrumentalis, vel, notato, id est, scripta tabulis ea augendo serva, id est, ita serva, ut augeas etiam : vulgus enim multa dicere solet in  $\nu\epsilon\ \pi\lambda\sigma\tau\ \varsigma$ , id est, in novas nactus divitias.

## Senectus sit munifica. VIII.

*Cum tibi divitiae superant in fine senectæ,*

*Munificus facite, ut non parvus amicitiae*

Est vitium hoc senibus peculiare, ut quò propius accedant ad mortem, hoc sint contractiores. (*Superant*) id est, supersunt & abundant, (*in fine senectutis*) id est, in extrèma senectute, quam decrepitam vocant. Tum igitur dones, sed amicis, qui te foveant obsequiis.

Verba attendenda, non os loquentis. IX.

*Utile consilium dominus nè despice servi.*

*Nullius sensum, si prodest, tempseris unquam.*

Propter authoris humilitatem non est contemnenda salubris sententia. Nec spectandum est, quis dicat sed quid dicatur.

Presenti utendum fortunâ. X.

*Rebus & in censu, si non est quod fuit ante :*

*Fac vivas contentus eo, quod tempora præbent.*

Diminutâ fortunâ tuâ, non est utendum eodem splendore quo prius, sed contentus eris eo genere vitæ quod præsens fortuna tibi præbet ; & quod adest, boni consules.

Uxor spe dotis non ducenda. XI.

*Uxorem fuge ne ducas sub nomine dotis :*

*Nec retinere velis, si cœperit esse molesta.*

(*Fuge*) id est, cave ne ducas uxorem sub nomine dotis, id est, dotis causâ. Ut si duxeris dotatam, nè dotis respectu eam retineas, si tibi gravis sit ; sed contemptâ dore, repudies. Quanquam id apud Christianos non habet locum.

Alieno sæpe exemplo. XII.

*Multorum disce exemplo, qua facta sequaris,*

*Qua fugias : Vita est nobis aliena magistra.*

Qui suis discunt periculis quid expediat, magnâ mercede discunt : sapiens ex aliorum vita sumit vivendi consilium : Hoc illi infamiam confluxit ; cavebo nè quid simile faciam : Hoc illi benè cessit ; imitabor.

Nihil ultra vires tentandum. XIII.

*Quod potes, id tentato : operis ne pondere pressus :*

*Succumbat labor, & frustra tentata relinquant.*

Prius expende vires tuas quàm aggrediare negotium ; nè postea, victus difficultate, turpiter relinquant quod temerò suscepisti.

Consen-

*Handwritten signature*

Consentire videtur qui tacet. XIV.

*Quod nostri haud recte factum, nolito silere;*

*Ne videre malos imitari velle tacendo.*

Noli dissimulare, si quid videris non recte fieri: videberis enim probare, cum files. Silentium enim aliquando consensus esse videtur.

Rigor favore temperandus. XV.

*Judicis auxilium sub iniqua lege rogato.*

*Ipsa etiam leges cupiunt ut jure regantur.*

Si premeris iniquâ lege, hoc est, durâ & inhumanâ, confugas ad judicis æquitatem. Non enim hoc est contra leges, sed ex mente legum, ut ad æquitatem redigantur & temperentur. Iniqua lex est, cum summo jure contenditur: Veluti si pauper in vincula conjiciatur, quod non alat patrem, cum lex dicat, Liberi parentes alant, aut vinciantur. Aliquando lex durior est, ut terreat. In his Judex, hoc est, Prætor, aut Princeps, potest succurrere. Feras quæ culpâ tuâ pateris. XVI.

*Quod meritò pateris, patienter perfer idipsum:*

*Cumque reus tibi sis; ipsum, te judice, damna.*

Incommodum quod tuâ culpâ tibi accidit, non imputabis alii quàm tibi; & cum tibi sis conscius, damna reipsum. Tute judex esto, & eâ te poena dignum existimato. Multa legenda, sed cum judicio. XVII.

*Multa legas facito, perlektis perlege multa:*

*Nam miranda canunt, sed non credenda, Poeta:*

Multa quidem legas, sed cum judicio. Non enim omnia vera sunt quæ legis apud Poetas. Fortassis pro perlege legendum est perline, hoc est, dele, & corrige; etiamsi Planudes vertit *πέρλεγε*.

Modeste in convivio loquendum. XVIII.

*Inter convivas fac sis sermone modestus;*

*Ne dicere loquax, dum vis urbanus haberi.*

In foro est locus eloquentiæ, in cubiculo silentii; in conviviis alternis ac moderatis sermonibus uti convenit, iisq; venustis & amœnis. Quidam, dum humanitatem affectant, loquacitate molesti sunt reliquis convivis, quibus non relinquunt loquendi spatium.

Ira

Iracundia uxoris, non formidanda. XIX.

*Conjugis irata noli tu verba timere :*

*Nam lacrymis fruit insidias, dum facmina plorat.*

Uxores lacrymas habent in promptu, his expugnant viros. Admonet igitur nè quid commoveatur hujusmodi lacrymis: fingunt enim eas sæpenumero quod viros suos fallant, velut cùm simulant se commoveri Zelotypiâ, ut suum adulterium dissimulent, aut irata se fingunt ei quem afflictim amant. Pro noli tu, leges dum arbitror solito.

Quæsitis utendum, non abutendum. XX.

*Utere quæsitis, sed nè videaris abuti :*

*Qui sua consumunt, cùm deest, aliena sequuntur.*

Utere quæ parâsti, non abutere, nè profusis bonis tuis, cogaris vel impudenter rogare aliena, vel serviliter ex alieno vivere, vel periculosè furari aliena.

Mors non formidanda. XXI.

*Fac tibi proponas mortem non esse timendam :*

*Quæ bona si non est, finis tamen illa malorum est.*

Mors vel ob hoc timenda non est, quod finis est omnium hujus vitæ malorum.

Uxor loquax, si proba ferenda. XXII.

*Uxoris linguam, si frugi est, ferre memento :*

*Namque malum est non velle pati, nec posse tacere.*

In amicis leviuscula quædam vitia ferenda sunt, si alioqui probi fuerint: velut in uxore, si paulò sit loquacior aut linguæ procacioris, ferendum est, si alioqui pudica est, & frugi, hoc est, suo fungens officio, maxime, quod linguæ morbus ei sexui peculiaris est. Malus est is qui nihil vitii ferre potest in aliis, præsertim cùm res facilis sit tacere. Sic enim uxor desinet obgannire, si nihil respondeas, quemadmodum solitus est Socrates.

Pietas erga parentes. XXIII.

*Æquâ diligit charos pietate parentes :*

*Nec matrem offendas, dum vis bonus esse parenti.*

Pietas, amor, & cultus est erga parentes, patriam, Deum, & si quis loco parentum est. Quidam veluti legibus coacti colunt parentes, non ex animo. Dilige paren-

*s charos pietate non egrâ (ut vulgò legitur) id est, non  
 oâcè neq; gravatim, sed promptè & alacriter : Et, si  
 uid inciderit dissidii inter parentes, ità alteri obse-  
 quaris, ut alterum non offendas, sed pietas tua careat  
 omni molestiâ.*

## DISTICHORUM DE MORIBUS LIB. IV. PRÆFATIO.

**S***ecuram quicunque cupis traducere vitam,  
 Nec vitiis barere animum, qua moribus obsunt;  
 Hac praecepta tibi semper relegenda memento :*

*Invenies aliquid in quo te utare magistro.*

Et hoc procœmium est quarti libri. Si vis esse liber ab omnibus vitiis, & nullius mali conscius vivere, hæc semper habeas præ manibus, in quibus aliquid invenies in quo teipso magistro possis uti, hoc est, ut ipse regas ac modereris vitam tuam, adjutus his præceptis.

Divitiarum contemptus. I.

*Despice divitias, si vis animo esse beatus :*

*Quas qui suspiciunt, mendicant semper, avari.*

Non jubet abjicere divitias, sed non magni facere : etenim qui eas suspiciunt, hoc est, mirantur aut magnè faciunt, dum non audent uti quæ possident, & semper aliquid accumulunt, semper mendicant, hoc est, egeri sunt.

Vivere ad naturam, optimum. II.

*Commoda natura nullo tibi tempore deerunt,*

*Si contentus eo fueris quod postulat usus.*

Si metiaris sumptus usu, hoc est, necessitate, non ambitione, neque voluptate, nunquam tibi deerunt commoditates naturæ, quæ paucis contenta est, cum cupiditates immensum desiderant.

Res ratione regendæ. III.

*Cum sis incautus, nec rem ratione gubernes,*

*Noli fortunam, qua non est, d cere cœcam.*

Si res malè tibi succedant tuâpre negligentia, nè conferas culpam in Fortunam, & illam cœcè mappelles, cum n tu ipse magis parùm prospexeris. Potest accipi buta iam

(*qua non est*) id est, quæ nulla est, fingunt enim mortales hanc Deam, cum nulla sit: aut, *qua non est*, subaudi *ca.* Amor pecuniæ ad usum. IV.

*Dilige denarii, sed parcè dilige, formam;*

*Quam nemo sanctus nec bonus capiat habere.*

Amare pecuniam ad usum, prudentis est: amare ut formâ pascas oculos, avari ac dementis. Denarium volunt omnes; formam soli mali captant.

In valetudine ne opibus parcas. V.

*Cum fueris locuples, corpus curare memento:*

*Æger dives habet nummos, sed non habet ipsum.*

Cum agitur corporis valetudine, nè tum parcas divitiis tuis. Etenim qui morbo non succurrit, ne minuat pecuniam, is habet quidem nummos, at seipsum non habet; cum malè valeat. Mavult nummos esse salvos quam seipsum; & illis frui quam seipso. Fortasse pro *sed*, legendum *se*.

Castigatio paterna ferenda. VI.

*Verbera cum tuleris, discens aliquando, magistri;*

*Fer patris ingenium, cum verbis exit in iram.*

Vapulasti puer à præceptore cum disceres literas: multò magis ferre convenit cum pater te verbis objurgat. Tulisti literatoris tyrannidem multò severiorem; feras & patris imperium, qui etiam cum irascitur, tamen à verberibus temperat.

Certa & utilia agenda. VII.

*Res age quæ prosunt: rursus vitare memento,*

*In quæ error inest, nec spes est certa laboris.*

De quibus dubitas, ea nè feceris. Age illa ex quibus certa speratur utilitas. Rursus, in quibus falli possis, & incertum est profutura sint an nocitura, ab illis abstinere. Libenter donandum. VIII.

*Quod donare potes, gratis concede roganti:*

*Nam rectè fecisse bonis, in parte lucrorum est.*

Dona libenter, si quid potes, nam lucrum est, non damnum, quod contuleris in bonos: & beneficium dando accepit qui digno dedit. Reddit enim cum fœnore quod probo viro benefeceris.

Suspicio



Suspicio statim expendenda. IX.

*Quod tibi suspectum est, confestim discute quid sit;*

*Namque solent, primo quae sunt neglecta, nocere.*

Quae suspicionem habent mali, ea noli negligere; sed statim examina & exquire cujusmodi sint. Nam initiis facillimè medèberis, si quid mali sit: at neglecta creantur, & maxime ledunt postea. Veluti si suspicaberis amicum alieniore esse in te animo, noli negligere quid tibi velit, sed execute unde hoc natum sit: &, siquid est, statim occurre nascenti malo.

Venus abstinentiâ cohibenda. X.

*Cum te detineat Veneris damnosa voluptas,*

*Indulgere gula noli, quae ventris amica est.*

Cave ne duplices morbum tuum; unus enim utcumque fertur, duo simul ferri non possunt. Amare damnosa res, damnosa gula; quod si pariter utroque labores malo, superest ut mox ad egestatem redigaris. Gulam vocat studium exquisitorum ciborum, eamque dicit ventris amicam, quod per eam venter saginatur, res & fama decrescit.

Homo malus, fera pessima. XI.

*Cum tibi proponas animalia cuncta timere,*

*Unum præcipio tibi plus hominem esse timendum.*

Cum tuâ sponte putas, omnes feras esse timendas, meo præcepto unum animal maximè timebis, nempe Hominem. Nam nulla bellua magis homini nocet, quam homo homini.

Sapientia fortitudini præferenda. XII.

*Cum tibi prævalida fuerint in corpore vires,*

*Fac sapias; sic tu poteris vir fortis haberi.*

Si natura dedit vires corporis, non statim vir fortis eris, nisi adjunxeris ingenii vim, hoc est, sapientiam, quâ corporis robore rectè utaris.

Amicus cordis medicus. XIII.

*Auxilium à notis petito, si fortè laboras:*

*Nec quisquam melior medicus quam fidus amicus.*

Corporis morbos aperi medico, animi morbos aperi fidei amico. Ille pharmacis sanat, hic verbis. Aliter, Si-  
quid

quid morbi inciderit, magis amicum accersere quàm medicum.

*Sacrificium, spiritus dejectus. XIV.*

*Cum sis ipse nocens, moritur cur victima pro te?*

*Stultitia est, morte alterius sperare salutem.*

Veteres credebant expiari scelus commissum mastratide peccato, quæ nihil commiserat, & pro alieno peccato innocens dabat pœnas, cum is qui peccavit potius mastratidebuit quàm victima. Stultè autem sperabant alienam mortem sibi saluti fore, cum sua quemq; mala de suo dependere oportet.

*Amicus ex moribus deligendus. XV.*

*Cum tibi vel socium vel fidum quæris amicum,*

*Non tibi fortuna est hominis, sed vita petenda.*

Amicus quem velis adungere, non æstimandus est cœnsu, sed ex moribus. Idem oportet fieri in Uxoribus.

*Avaritia vitanda. XVI.*

*Utere questitis opibus, fuge nomen avari :*

*Quò tibi divitias, si semper pauper abundas?*

Frustrà parasti divitias, si partis uti non audes, & inter magnas opes vivis inops. Nihil enim refert habere, si quæ habes nihilo plùs tibi prosunt quàm ea quæ non habes.

*Voluptas inimica famæ. XVII.*

*Si famam servare cupis, dum vivis, honestam,*

*Fac fugias animæ quæ sunt mala gaudia vitæ.*

Si cupis honestam tueri famam, noli amare voluptates inhonestas, nempe gulæ, libidinis & similia.

*Senem etiam delirum nè irriseris. XVIII.*

*Cum sapias animo, noli videre senectam :*

*Nam quicumque senet, puerilis sensus in illo est.*

Cum per ætatem vigeat ingenium tuum & animi vis, noli deridere senectutem, quæ minùs animo valeat. Desipit enim omnis senex, & ad puerilem stultitiam redit. Etatis igitur vitium ferendum, non ridendum est.

*Opes fluxæ, ais perpetua. XIX.*

*Disce aliquid, nam cum sub fortuna recessit,*

*Arx remanet, & tamque hominis non deserit unquam.*

*Opes*

Opes sæpenumero subita fortuna eripit homini, v-  
 uti incendio, ferro, bello, naufragio: verum ars eripi  
 non potest. Hæc itaque certissima possessio est, quæ  
 semper & ubique te possit alere.

Mores ex verbis cogniti. XX.

*Omnia perspicito tacitus quæ quisque loquatur:*

*Sermo etenim mores & celat, & indicat idem.*

Nulla res magis arguit & aperit vitam & ingenium  
 hominis, quam illius oratio: hoc est certissimum animi  
 speculum. Igitur si vis hominem cujusmodi sit cog-  
 noscere, perpende tecum qualis sit illius oratio. Sermo  
 indicat mores hominis, si loquatur ex animo; & celat  
 idem, si vel taceat, vel dissimulanter loquatur.

Ars usu juvanda. XXI.

*Exerce studium, quamvis perceperis artem:*

*Ut cura ingenium, sic & manus adjuvat usum.*

Ut evanescunt disciplinæ, nisi exercitatione confir-  
 mes: sic artificium opere confirmandum erit, nè ex-  
 cidat.

Vitæ contemptus. XXII.

*Multum nè cures venturi tempora lethi:*

*Non metuit mortem qui scit contemnere vitam.*

Si vis liber esse à metu mortis, discite vitam non mag-  
 ni facere. Et (quemadmodum eleganter docet Aristote-  
 les) nullius rei jucunda fruitio est, nisi quam aliquo  
 modo contempseris.

Discendum & docendum. XXIII.

*Disce, sed à doctis; indoctos ipse doceto.*

*Propaganda etenim rerum doctrina bonarum.*

Disce non à quovis, sed ab his qui possunt docere.  
 Rursum, quod ab aliis didiceris, id aliis imperti. U-  
 tilium enim rerum scientia non est premenda, sed per  
 manu tradenda.

Bibendi ratio. XXIV.

*Hoc bibe quod prodest, si tu vis vivere sanus:*

*Morbi causa mali est homini quandoque voluptas.*

Nè moris supra vires. Brevis enim illa bibendi vo-  
 luptas sæpenumero conciliat homini molestum & di-  
 utinum morbum.

Nè

Ne damnes quod probaveris. XXV.

*Laudâris quodcunque palâm, quodcunque probâris,*

*Hoc vide nè rursum levitatis crimine damnes.*

Levis & inconstans videberis, si quod aliquando coram multis laudâris, idem postea damnes. Quod si mutasti sententiam, fac fileas. Fortasse pro *vide* legendum est *fuge*. *Crimine*, id est suspitione & cum vituperio.

Circumspectus utrâque fortunâ esto. XXVI.

*Tranquillis rebus quæ sunt adversa timeto :*

*Rursus in adversis melius sperare memento.*

Nè securus sis cùm fortuna tranquilla est, sed tempestatem cave. Rursus cùm fortuna sævit, animum sustine spe melioris fortunæ, quæ successura sit. In secundis rebus timenda sunt adversa, nè sis supinus; in adversis speranda sunt lætiora, ne deficias animo.

Studio crescit sapientia. XXVII.

*Discere nè cessa ; curâ sapientia crescit :*

*Rara datur longo prudentia temporis usu.*

Juxta Scelonis sententiam oportet senescere semper aliquid addiscentes. Nam (*rara*) hoc est, singularis & eximia prudentia contingit (*longo usu*) id est, diuturnâ experientiâ ætatis. Quanquam mihi magis probatur hic ut sit sensus ; semper discere ; studio crescit sapientia. Nam pauci sunt qui prudentes evadunt experientiâ rerum ; vel quia paucis contingit diu vivere, vel quia complures stultitiam non exuunt hâc vitâ. Certissima ac brevissima ad sapientiam via est doctrina.

Parcè laudandum. XXVIII.

*Parcè laudato : nam quem tu sæpe probâris ;*

*Una dies, qualis fuerit, monstrabit amicus.*

Nè laudes amicum effusiùs cujus non feceris periculum : siquidem ille sapius abs te laudatus, uno aliquo die declarabit alium fuisse se quàm tu prædicaras.

Discere nè pudeat. XXIX.

*Nè pudeat, quæ nescieris, te velle doceri*

*Scire aliquid laus est, culpa est nil discere velle.*

Quidam multo quodam pudore malunt semper nescire, quàm

quàm semel discere, cùm scire pulchrum sit, & pudendum nihil velle discere. Ergo honestum velle.

Rebus utendum ad sobrietatem. XXX.

*Cum Venere & Baccho lis est, sed juncta voluptas :*

*Quod lautum est animo complectere, sed fuge lites.*

Exciperpe quod incst boni : fuge quod adjunctum est mali. Exhilarat potatio, discutit curas; utere hac commoditate : rursus ebrietas incitat ad jurgia; hoc cave. Item Venus delectat, sed habet sua jurgia : Ama igitur absque diffidiis.

Tristibus & tacitis non fidendum. XXXI.

*Demisso tacitos animo vitare memento :*

*Qua flumen placidum est, forsan latet altius unda.*

Tristes ac tacitos vitato : videntur enim aliquid magni mali moliri : quemadmodum cavendum est flumen eâ parte quâ tranquillum est, nam illud profundissimum esse solet. Ita *Casar* magis metuebat *Brutum* & *Cassium*, pallidos ac tacitos, quàm *Antonium* ebrium.

Sors sorti conferenda. XXXII.

*Cum tibi displiceat rerum fortuna tuarum :*

*Alterius spectâ, quo sit discrimine pejor.*

Quoties tædet te tuæ sortis, confer eam cum aliorum fortunâ; & videbis te nihil pejorem, hoc est, infeliciorem multis.

Ultra vires nihil aggrediendum. XXXIII.

*Quod potes, id tenta : nam litus carpere remis,*

*Tutius est multò, quàm vnum tendere in altum.*

Aggredere tuta magis quàm magna. Tutius enim multò navigare juxta litus, ac remis uti, quàm passis velis periclitari in fluctibus. Nec enim omnibus favent venti fortunæ.

Cum justo iniquè non contendendum. XXXIV.

*Contra hominem justum pravè contendere noli :*

*Semper enim Deus injustas ulciscitur iras.*

(*Noli pravè*) hoc est, malitiosè & datâ operâ, ac perverè contendere cum homine justo. Nam Deus nunquam hoc relinquit inultum.

Fortuna utraque æquè ferenda. XXXV.

*Ereptis opibus noli tu flere querendo :*

*Sed gaude potius, tibi quum contingit habere.*

Si divitiæ contingant, gaude ; si ereptæ fuerint, noli te cruciari, sed tunc utere Philosophiâ. Neque enim tantum boni habent, ut sit admodum dolendum si perierint ; neq; rursus tantum mali, ut non sint liberè accipiendæ, si fortè contigerint. Constat carmen esse depravatum. Arbitror legendum, *Noli maculare querendo*. Porro, *querendo* non est à *quero*, sed à *quæ* deponenti verbo.

Ab amico quid ferendum. XXXVI.

*Est iactura gravis, quæ sunt, amittere damnis :*

*Sunt quadam quæ ferre decet patienter amicum.*

Si verbulo lædat amicus, ferendum est : At damnum rerum nemo potest æquo animo ferre. In his igitur cavendum nè lædamus amicum.

Tempori non confidendum. XXXVII.

*Tempora longa tibi vita promittere noli :*

*Quocunque ingrederis, sequitur mors corporis umbra.*

Nemo potest sibi longævitatē promittere, cū mors hominem, quocunque eat, non aliter insequatur quā umbra corpus. Fortasse legendum, *corpus ut umbra*.

Deus quibus placandus. XXXVIII.

*Thure Deum placa, vitulum sine crescat aratro :*

*Ne credas placare deum, dum cede litatur.*

Non gaudet deus morte pecudum, ergo thure litandum est illi, hoc est, re innoxia & minimi sumptus. At hodie pleriq; Christianorum, licet apud hos sublatus sit mos immolandi pecudes, tamen Deum ac divos sibi tantum non devinctos esse putant, si eis gemmas, aurum, argentum, serica suspenderit, vel ostentanda tantum, vel in luxum paucorum vertenda : immemores, hæc semper à sanctis fuisse contempta, & si forte obtigerint, in egentium usus fuisse esse.

A potentioribus læsus dissimula. XXXIX.

*Cede locum læsus fortunæ, cede potenti :*

*Ladere qui potuit, prodesse aliquando valebit.*

Qui

Qui rem habet cum proceribus, quoniam prodesse possunt in multis; necesse est ut aliquando muser inurias, id est, tacitus ferat. Lædunt enim aliquando potentes, & tyrannidem exercent. Hic igitur prudens illis debet cedere ut postea per illos suis prodesse possit. Nam si resistens reddiderit eos hostes, nec sibi, nec suis prodesse poterit.

Castiga teipsum. XL.

*Cum quid peccaris, castiga te ipse subinde:*

*Vulnera dum sanas, dolor est medicina doloris.*

Ubi senseris te alicubi peccasse, statim pœnas sumito de teipso, & noli tibi ignoscere; teipsum objurga, tibi ipsi laboris aliquid indicito. Nam ut in sanandis vulneribus dolor dolore sanatur; (si quidem, nè doleat vulnus, infundis acria quæ mordent) sic ista reprehensio, tametsi amara est, tamen medetur vitio animi.

Amicus mutatus non vituperandus. XLI.

*Damnâris nunquam post longum tempus amicum:*

*Mutavit mores; sed pignora prima memento.*

Si is cum quo tibi fuerit diutina consuetudo fortè mutatis moribus alius esse cœperit, hoc debes tribuere veteri necessitudini, nè vituperes eum, etiamsi non est dignus qui ametur.

Beneficiis collatis attende. XLII.

*Gratior officiis, quo sis magè charior, esto:*

*Ne nomen subeas, quod dicunt, officiperda.*

Ut sis charus omnibus, esto gratus (*officiis*) id est, beneficiis & benemeritis. Invisum enim apud omnes est nomen *Officiperda*. Sic enim vocant eum in quem collocatum officium perditur. Nihil enim tam perit atque id quod confertur in ingratum.

Suspicionem tolle. XLIII.

*Suspectus cave sis, nè sis miser omnibus horis:*

*Nam timidus & suspectus aptissima mors est.*

Qui sibi fingit periculum, is nunquam non miser vivit. Nihil igitur huic aprius quàm mors, quandoquidem non potest jucundè vivere. *Suspectus* hic accipitur pro suspicioso.

## Humanitas erga servos. XLIV.

*Cum famulos fueris proprios mercatus in usus ;  
Ut servos dicas, homines tamen esse memento.*

Sic utere servis tuis, licet empti sint, ut memineris homines esse, non pecudes. Quod empti sunt, fortunæ fuit ; quod homines sunt, in hoc tibi sunt pares.

## Occasionem rei commodæ nè prætermittas. XLV.

*Quam primum rapienda tibi est occasio prima ;  
Ne rursus quæras quæ jam neglexeris ante.*

Occasio, quam ante dixit frontem habere capillatam, statim est arripienda ; nè si se subduxerit, frustra quæras postea, quam prius contempseras.

## Non lætandum repentino malorum obitu. XLVI.

*Morte repentinâ noli gaudere malorum :  
Felices obeunt, quorum sine crimine vita est.*

Si mali subito moriuntur, dolendum magis est quam gaudendum. Gaudendum potius in morte bonorum, quorum mors felix est. Vel sic, si videris malos subito tolli, noli gaudere. Contingit idem bonis & innocentibus, ut intelligas hoc casu accidere, non vindicta numinis.

## Pauper simulatum vitet amicum. XLVII.

*Cum conjux tibi sit, nec res, & fama laboret ;  
Vitandum ducas inimicum nomen amici.*

Si pauper habueris uxorem quæ laboret famâ, hoc est, de quâ homines malè loquuntur (ducas) id est, existimes, nomen amici vitandum esse, utpote inimicum famæ tuæ : videberis enim prostituere uxorem hoc prætextu : & hoc nomine divites pauperum uxores captant. Tamen si potest & alius esse sensus, nimirum hic ; Si sit tibi uxor re satis lautâ famæque secundâ, noli te dare in familiaritatem potentum, nè quid labis uxori tibi que contrahas,

## Juge studium. XLVIII.

*Cum tibi contigerit studio cognoscere multa,  
Fac discas multa, & vites non velle docere.*

Quò plura didiceris, hoc plura stude cognoscere, ne videaris indocilis ullius rei.

Brevitas



Brevitas memoriæ amica. XLIX.

*Miraris verbis nudis me scribere versus?**Hos brevis sensus fecit conjungere binos.*

Sententia nudis verbis explicanda: melius enim meminimus quæ brevia sunt. Idcirco nudis verbis singula præcepta singulis Distichis completi voluit, ut apertior esset & brevior.



*Dicta Sapientum, è GRÆCIS, ut habetur, à nescio quo Graculo utcumque collecta, vel conficta potius; Erasino interprete.*

*Periandri Corinthii.*

<b>O</b> mnibus placeto.	Ea facito quorum non
Periculosa temeritas.	possit pœnitere.
Semper voluptates sunt	Quod justum est imitare.
mortales, honores autem	Benemeritos honora.
immortales.	Calumniam oderis, (um.
Amicis adversâ fortunâ u-	Cum errâris, muta consili-
tentibus idem esto.	Omnibus teipsam præbe-
Lucrum turpe, res pessima.	Magistratus metue.
Infortunium tuum celato,	Quicquid promiseris facito
nè voluptate afficias ini-	Age quæ justa sunt.
micos.	Principibus cede.
Veritati adhæreto.	A jurejurando abstine.
Violentiam oderis.	Laudato honesta.
Voluptati tempera.	Beneficium repende.
Pieratem sectare.	Bona res quies.
A vitiis abstine.	Liberos institue.
Supplicibus miserecors esto	Litem oderis.
Sapientum utere consuetu-	Audi quæ ad te perrinent.
dine.	Responde in tempore.
Bonos in pretio habeto.	Nè cui invideas.
Probum fugito.	Oculos moderare.

# 38 DICTA SAPIENTUM.

Spem foveto.	Mortalia cogita.
Affabilis esto.	Nè prior injuriam facias.
Diurnam amicitiam custodi.	Mortuum nè roditò.
Concordiam sectare.	Consule inculpatè.
Nè loquaris ad gratiam.	Teipsum nè negligas.
Nè tempori credideris.	Mortem oppete pro patria.
Nè quavis de re doleas.	Ex ingenuis liberos crea.
Seniorem reverere.	Arcanum ceta.
Parcito tanquam immortalis.	Opportunitatem expecta.
Sperato tanquam mortalis.	Largire cum utilitate.
Nè efferaris gloriâ.	Dolorem fuge.
Cede magnis.	Amicis utere.
	Delecta amicos.

## *Bianthis.*

In speculo teipsum contemplare & si formosus apparebis, age quæ deceant formam : sin deformis, quod in facie minus est, id morum pensato pulchritudine. De numine nè malè loquere, quid sit autem ausculta. Audito multa, loquere pauca. Priùs intellige, & deinde ad opus accede. Nè ob divitias laudâris virum indignum. Persuasionem cape, non vi. Compara in adolescentia quidem modestiam, in senectute verò sapientiam.

## *Pittaci Mytilenai.*

Quæ facturus es, ea nè Desidiosus nè esto.	
prædixeris : frustratus enim rideberis.	Nè contende cum parentibus, etiamsi justa dixeris.
Depositum redde.	Ne geras imperium, priusquam parere didicisti.
A familiaribus in minutis rebus læsus, feras.	Infortunatum nè irriseris.
Amico nè maledixeris.	Quæ fieri non possunt, cave nè concupiscas.
Uxori dominare.	Nè festinaveris loqui.
Quæ feceris parentibus, ea a liberis expecta.	Nosce teipsum.

Ante

Ante omnia venerare nu- men.	Legibus pare.
Parentes reverere.	Nè quid nimis.
Voluptatem coerce.	Audito libenter.
Inimicum nè putes amicū.	Inimicitiam solve.
Inter amicos nè sis iudex.	Uxorem ducito ex æqua- libus; ne, si ex ditiori- bus duxeris, dominos ti- bi pares non affines.
Ne lingua præcurrat men- tem.	

*Cleobuli Lindii.*

Nè sis unquam elatus.	cos quam fortunatos pro- ficiscere.
Libros evolve.	Lapis auri index, aurum hominum.
Iustè judicato.	Mendax calumnia vitam corrumpit.
A maledicentia temperato.	Mendaces odit quisquis prudens ac sapiens.
Parentes patientiâ vince.	Domûs curam age. (rudi.
Inferiorem nè rejicias.	Liberos tibi charissimos e-
Nè teipsum præcipites in Discrimen.	Bonis benefacito.
Res amici diligas & perin- de serves ac tuas.	Suspicionem abjicito.
Quod oderis, alteri ne fe- ceris.	Beneficii acceptimemento
Nè cui miniteris : est enim muliebre.	Aliena nè concupiscas.
Citiùs ad infortunatos ami-	Voto nihil pretiosius.

*Chilonis Lacedæmonii.*

Nosce teipsum.	Nè cui inideas mortalia.
Temperantiam exerce.	Turpia fuge.
Tempori pare.	Iustè rem para.
Multitudini place.	Sapientiâ utere.
Moribus probatis esto.	Nè quid suspiceris.
Oderis calumnias.	Nè fueris onerosus.

*Solonis Atheniensis.*

Deum cole.	Veritatem sustineto.
Amicis succurre.	Legibus pareto.

Ira-

# 40 DICTA SAPIENTUM.

Iracundiæ moderare.

Nè jurato.

Malos odio prosequitor.

Cogita quod iustum est.

Parentes reverere.

Virtutem laudato,

Nemini invideto.

*Thaletis Mileſii.*

Prineipem honora.

Sufurronem ex ædibu

Similis tui ſis.

ejice.

Quod adeſt, boni conſu-  
lito.

Amicos probato.

Nemini promittito.

Gloriam ſectare.

A vitiis abſtineteto.

Pacem dilige.

Vitæ curam age.

Laudatus eſto apud omnes.

*Diſta Sapiantum ex Auſonio : Atque in his extrema ſententia ferè ſemper eſt gemina, & diſticho comprehen-  
ditur.*

PERIANDRI, Carmine Phaleucio.

**N** Unquam diſcrepat utile à decoro.

Idem eſt, Nihil utile quod non eſt honeſtum.  
*Plus eſt ſollicitus magis beatus.*

Id eſt, Quò quiſquam divitior, hoc magis ſollicitus  
vivit.

*Mortem optare malum, timere pejus.*

Miſer eſt, qui tædio vitæ mortem optat ; ſed miſe-  
rior qui ſemper timet mortem.

*Faxis ut libeat, quod eſt neceſſe.*

Quod neceſſe eſt facere, fac ut libenter facias.

*Multis terribilis, caveto multos.*

Quem multi timent, is multos timeat neceſſe eſt.

*Si fortuna juvat, caveto tolli.*

*Si fortuna tonat, caveto mergi.*

Nè extolleris fortunæ proſperitate : in rebus ad-  
verſis nè frangaris animo.

B I.

B I A N T I S, Carmine Heroico.

**Q**uam summa boni? Mens quæ sibi conscia recti.  
 Id est, quid optimum? Animus bene sibi con-  
 sciens.

Pernicies homini quæ maxima? Solus homo alter.

Id est, homini maxima perniciens est ab homine.

Quis dives? Qui nil cupiat. Quis pauper? Avarus.

Dives est, non qui multa possidet, sed qui sua sorte  
 contentus est. Avarus omnis pauper est, qui, quod  
 habet, non habet.

Quæ dos matronis pulcherrima? Vita pudica.

Mulier etiam pauper indotata non est, si casta est.

uæ casta est? De quâ mentiri fama veretur.

Casta non est, de quâ fama turpiter loquitur.

Quod prudentis opus? Cum possit, nolle nocere.

Quid stulti proprium? Non posse, & velle nocere.

Proprium prudentis est, etiam cum possit, nolle ta-  
 men ulcisci. Malus, etiam cum non possit, optat ta-  
 men lædere.

P I T T A C I, Carmine Iambico Trimetro.

**L** Oqui ignorabit, qui tacere nescit.

Eiusdem est artis, rectè tacere, & rectè loqui.

Bonò probari malo quàm multis malis.

Non refert quàm multi laudent te, sed quales:  
 nam ab improbis laudari, vituperari est.

Demens superbis invidet felicibus.

Stultitiæ est cruciari felicitate maiorum quasi in  
 vulgaribus bonis sit sita felicitas.

Demens dolorem videt infelicium.

Æquè stultum est gaudere calamitate malorum,  
 quasi non antè fuerint infelices.

Pareto legi quisquis legem sanxeris.

Quod aliis præscripseris, ipse servato.

Plures amicos re secunda compares;

Paucos amicos rebus adversis probes.

Prospera fortuna conciliat multos amicos; at re-  
 flante fortunâ pauci manent, sed sinceri.

CLEO. EE

## CLEOBULI, Carmine Asclepiadeo.

*Quanto plus liceat, tam libeat minus.*

Quò potentior res, hoc magis cave nè quid pecces : & quò plus tibi permittunt homines ob principatum, hoc ipse minus permittas tibi.

*Fortuna invidia est, immeritus miser.*

Cum bonis malè est, fortunæ imputatur, cum ea sæpe magnatum sit culpa.

*Felix criminibus nullus erit diu.*

Felicitas male parta non est diuturna.

*Ignoscas alijs multa, nihil tibi.*

In alios lenis esto, in teipsum severus.

*Parcit quisque bonis, prodere vult bonos.*

Qui bonos viros tradit in manus bonorum, is servat, non perdit, quod prodit. Quanquam suspicor legendum.

*Parcit quisque bonis, prodere vult malos.*

Ut sit sensus, qui malos ac nocentes afficit supplicio, is miseretur bonorum & innocentium, quos ab horum violentiâ liberat. Et (quisq;) positum est pro (quisquis)

*Majora meritis gloria non datur :*

*Turpis sæpe datur fama minoribus.*

Laus parentum non tribuitur posteris : at probra parentum sæpe obijciuntur liberis.

CHILONIS, Carmine Choriambico ex Choriambis tribus & Amphibrachis : videtur Sotadicum.

*N. Q. L. O minor me timeat, despiciatve major.*

Sic est moderanda itæ ratio, ut nec inferioribus sis formidini, quod est tyrannicum ; nec superioribus contemptui, quod est abjectæ fortunæ.

*Vive memor mortis, immemor ut sis salutis.*

Sic fuge turpia, quasi hodie moriturus : sic cura honesta studia, quasi semper victurus. Quanquam hic versus depravatus est ; suspicor ita legendum,

*Vive memor mortis, ut sis memor & salutis.* Aut sic

*Viv*

*Vive memor mortis, nè sis immemor & salutis.*

*Tristia cuncta exuperes aut animo, aut amico.*

In rebus adversis, aut amici consuetudine pelle mœ-  
rorem, aut animo te sustine.

*Tu bene si quod facias, non meminisse fas est.*

Benefacta tua prædicent alii.

*Grata senectus homini, quæ parilis juventa.*

*Illæ juventus gravior, quæ similis senectæ.*

Florida senectæ simillima est adolescentiæ : morosa  
juventus simillima est senecturi.

SOLONIS, Carmine Trochaico.

**D**ICO tunc vitam beatam, fata cùm peracta sunt.

Nemo beatus, nisi qui feliciter diem obierit.

*Par pari jugato conjux, dissidet quod impar est.*

Firmissima est amicitia quæ inter pares coit.

*Non erunt honores unquam fortuiti muneris.* (tunæ.

Honor verus virtutis est præmium, non munus for-

*Clam coarguas propinquum, sed palam laudaveris.*

Amicum laudato palam, sed errantem occultè corripe.

*Pulchrius multò parari, quàm creari nobilem.*

Clarior est nobilitas quam ipse tuis virtutibus tibi pa-  
râris, quàm quæ ex majorum imaginibus contingit.

*Certa si decreta fors est, quid cavere proderit ?*

*Sive sunt incerta cuncta, quid timere convenit ?*

Si fatum vitari non potest, quid prodest præscisse ?

Sin incertum, stultum est timere, quod an eveni-  
tum sit nescias.

THALÉTIS, Versu Pentametro.

**T**Urpe quid ausurus te sine teste time.

Quod apud alium puderet facere, nè solu-  
quidem ausis facere, veluti teipso teste.

*Vita perit, mortis gloria non moritur.*

Etiam post mortem vivit gloria benefactorum.

*Quod factururus eris, dicere susculeris.*

Sile, si quid est in animo facere, nè quis impediatur.

CruX

*Crux est, si metuas, vincere quod nequeas.*

*Auger sibi molestiam qui timet quod virari non potest.*

*Cum verè objurgas, sic, inimice, juvas.*

*Præstat verè carpi ab inimico, quàm falsè laudari ab amico.*

*Nil nimium satis est; nè sit & hoc nimium.*

*Nè quid nimis; nam modus omnibus in rebus est optimus.*



*Publius Syrus*

*Sequuntur Mimi Publiani, ab Erasmo  
castigati & elucidati.*

ERASMI ROTEROD. Lectori, S. D.

**I**N hos depravatissimè scriptos reperi Commentariolos longè prodigiosiores quàm in Catonem; qui neque cælum neque terram attingerent, & tamen accuratissimè depictos, ceu rem sacram. O Seculum illud infelix! Sunt plerique Senarii Iambici, sed Latinæ Comœdia libertatem non fugientes: siquod diversum genus inciderit, annotabimus. Cœterum, qui scire volet à quàm portentosis mendis hos Mimos vindicaverimus, is conferat cum iis quos ante nostram editionem habebant vulgati Codices. Vale, Lector, & frue.

**A**lienum est quicquid optando evenit. Sensus est, id quod nostro studio paratur verè nostrum est: quod votis contingit, alienum est; nempe quod fortuna possit arripere.

*Ab alio expectes, alteri quod feceris.*

*Qualis fueris in alios, tales illi futuri sunt in te.*

*Avimus*



*Animus vereri qui scit, scit tutò aggredi.*

Qui intellexit periculum, is novit cavere periculum ;  
temeritas autem rem periculosè aggreditur, quia ne-  
scit timere.

*Auxilia humilia firma consensus facit.*

Concordia fortia facit etiam quæ sunt imbecilla ;  
Contra, Discordia maximas opes debilitat.

*Amor animi arbitrio sumitur, non ponitur.*

Nobis in manu est, incipere amare : ubi cœperis,  
iam illi servus es, nec potes excutere cùm velis.

*Aut amat, aut odit mulier : nihil est tertium.*

Mulier nimis est vehemens in utramque partem, ani-  
mal affectibus obnoxium. Quancquam hujusmodi vi-  
ros etiam non paucos reperias, nimis in utramque  
partem vehementes.

*Ad tristem partem strenua suspicio.*

Qui parùm sunt felices, magis laborant suspicione.  
Vel sic, Suspicio plerumque vergit in partem deterio-  
rem. Strenua hic citam ac propensam significat.

*Ama parentem, si æquus est ; si aliter, feras.*

Bonum parentem ama, difficilem tolera, vel ob hoc  
quia pater est. Æquus dixit pro commodo & humano.

*Aspicere oportet quod possis perdere.*

Serva quod nolis perire : Oculus autem, hoc est,  
præsentia Domini optima rei custos.

*Amici vitia si feras, facis tua.*

Tibi imputabitur quicquid peccat amicus, cùm non  
admoneas.

*Aliena homini ingenuo acerba est servitus.*

Aliis servire durum est, si quis liber sit natus, & aliis  
imperare solitus.

*Absentem ludit cum ebrio qui litigat.*

Mens enim ebrii non adest, cum qua loquendum est :  
Itaque perinde est ac si non adesset ipse.

*Amans iratus multa mentitur sibi.*

Multa enim constituit in animo, quæ non præstat  
postea.

*Egone illam ? quæ me ; quæ illum ; Terent.*

*Aureus*

# 46 MIMI PUBLIANI.

*Avarus ipse miseria causa est sua.*

Nam suâ sponte & volens pauper est.

*Amans quid cupiat scit ; quid sapiat, non videt.*

Amans sine judicio cupit, nec expendit salubre sit an perniciosum id quod cupit.

*Amans, quod suspicatur vigilans, somniat.*

Qui amant ipsi somnia fingunt, & inani spe sit blandiuntur.

*Ad calamitatem quilibet rumor valet.*

Tristitia facile sparguntur in vulgus ; quæ recta sunt & honesta vix creduntur :

*Amor extorqueri non potest, elabi potest.*

Amor non potest subito vique expelli, sed paulatim potest elabi.

*Ab amante lachrymis redimas iracundiam.*

Amans iratus lachrymis placatur.

*Aperte mala cum est mulier, tum demum est bona.*

Fucatum & fraudulentum animal est mulier, eaque minime noxia cum palam est mala. Indicat nullam esse bonam.

*Avarum facile capias, ubi non sis idem.*

Avarum non potest ferre avarus. Vel facile fallas avarum, nisi sis idem quod ille est, avarus & ipse.

*Amare & sapere vix deo conceditur.*

Non est ejusdem, amare & sanæ mentis esse. Perinde quasi velis cum ratione insanire, quemadmodum habet Terentius.

*Avarus, nisi cum moritur, nihil recte facit.*

Etenim cum moritur, tum demum permittit alios suis opibus frui.

*Astute dum celatur, se etas indicat.*

Senectus celari non potest. Nisi forte sic legendum est, *Asta crimen celatur, etas indicat.* Tempus enim aperit omnia.

*Avarus damno potius quam sapiens dolet.*

Sapiens non cruciatur damnis rerum, sed is qui magni facit pecuniam.

*Avaro quid mali optes, nisi ut vivat diu?*

Propterea quod miserrime vivat. Summum igitur malum optat avaro, qui optat diuturnam vitam.

*Animo dolenti nihil oportet credere.*

Quamdiu doles, ne quid tibi ipsi fidas; nihil enim tibi suadet dolor; expecta donec residet ægritudo, tunc statue quid velis loqui aut facere.

*Alienum nobis, nostrum aliis, placet.*

Ux quemque sortis pœnitet; Aliena miramur veris duntaxat; cæterum si ad rem ventum sit, pauci vident cum aliis commutare.

*Amare juveni fructus est, crimen seni.*

Amor voluptas est in juvene, scelus in sene, non voluptas.

*Anus cum ludit, morti delicias facit.*

Annus vicinam morti non decet lusus: videtur enim mortem delectare velle.

*Amoris vulnus idem qui sanat facit.*

Desiderii vulnus sanat idem qui facit, si sui copiam facit: Alludit autem ad Telephi fabulam.

*Ad pœnitendum properat, cito qui judicat.*

Tunc statim pronuncies: nam præcipitati iudicii sæpe pœnitet.

*Amicos res optima parant, adversa probant.*

Et hoc carmen depravatum est: Fortè sic legendum, Amicum optima res parant, tristes probant: Secunda fortuna conciliat amicos, adversa explorat ficti inter an veri.

*Aleator quanto in arte est melior tanto est nequior.*

Hoc est carmen Trochaicum. In mala re quo magis excellis, tantò sceleratior es: veluti miles quò melior est hoc vir nequior.

*Arcum intentio frangit, animum remissio.*

Arcus frangitur si nimium tendas. Animi vires augentur exercitatione, otio franguntur.

*Bis est gratum, quod opus est, ultro si offeras.*

Beneficium precibus extortum, magnam gratiæ partem perdidit, quod ultro oblatum est, id bis gratum.

Bene-

*Beneficium dare qui rescit, injuste petit.*  
Non debet uti beneficiis aliorum, qui ipse nemini benefacit.

*Bonum est, fugienda aspicere alieno in malo.*  
Idem *Plautus*, *Felicitate sapit qui alieno periculo sapit.*  
Quid tibi sit fugiendum, id discas non tuo malo; sed ex aliorum malis exemplum sumito.

*Beneficium accipere, libertatem vendere est.*  
Felicius est dare quam accipere; perdit enim libertatem quisquis utitur alterius beneficio.

*Bona nemini hora est, ut non alicui sit mala.*  
Nulla fortuna secunda est, quæ non alicujus malo contingat.

*Bis cuique mori est, alterius arbitrio mori.*  
Mortem naturalem æquiore animo ferunt homines; adactam gravius.

*Beneficia plura recipit qui scit reddere.*  
Ingratis nemo plura committit; quos experimur gratos, in hos majora conferimus.

*Bis peccas, cum peccanti obsequium, accommodas.*  
Nam & illum adjuvas, & te ejusdem malefactorum facis.

*Bonus animus laesus, gravius multo irascitur.*  
Lenis animus cum incandescit, vehementius commovetur.

*Bona mors est homini, vite quæ extinguit mala.*  
Miseris mors est optanda quoque, ut quæ finem adferat malorum.

*Beneficium dando accipit, qui digno dedit.*  
Hunc versum nominatim citat *Aulus Gellius* inter *Mimos Publianos*.

*Blanditiæ, non imperio, fit dulcis Venus.*  
Jucundum est cum ex animo quis redamatur, nec cum extorquetur mulieris obsequium.

*Bonus animus nunquam erranti obsequium accommodat.*  
Qui probus est ipse, nunquam alteri peccanti affectatur.

*Beneficium se dedisse quæ dicit, petit.*

Commemoratio beneficii data est reposcentis gratiam.

*Conjunctio animi maxima est cognatio.*

Artius alligat mutua benevolentia, quam affinitas sanguinis. Fortè versiculus hic ità legendus est,

*Benevolus animus maxima est cognatio.*

Nam & hoc modo carmen constat, & in hâc literâ, semper B. reperiebatur.

*Beneficium saepe dare, docere est reddere.*

Qui sæpius bene meretur de aliquo, is provocat gratitudinem quâdam perrinaciâ benefaciendi.

*Bonitatis verba imitari, major malitia est.*

Qui malus est & bene loquitur, is plus quam malus est.

*Bona opinio homini tutior pecuniâ est.*

Tutior est habere bonam famam quàm divitias.

*Bonum tametsi supprimatur, non extinguitur.*

Veritas & Justitia premi possunt ad tempus, sed emergunt postea.

*Bis vincit qui se vincit in victoriâ.*

Qui moderate utitur victoriâ, bis vincit, primùm hostem, deinde animum.

*Benignus etiam dandi causam cogitat.*

Qui liberalis est, non expectat ut rogetur, sed ultro quærit occasionem largiendi.

*Bis interimitur qui suis armis perit.*

Magis nobis dolet calamitas, cujus ipsi ministravimus occasionem. Veluti si quis hominem evehat ad magistratum à quo postea subvertatur.

*Bene dormit qui non sentit quàm malè dormiat.*

Cùm abest sensus mali, nihil est mali. Veluti si quis alto somno obrutus, non sentiat incommoditatem strati.

*Bonorum crimen est officiosus miser.*

Si calamitosus est qui rectè vivit, hoc imputatur virtuti cui dicunt adversari fortunam; vel sic, quum eget necessariis vir probus, in dedecus vergit bonorum virorum, qui virtutis non habeant honorem.

*Bona fama in tenebris proprium splendorem obtinet.*

Decus rectè factorum non potest obscurari; lucet enim in ipso pectore, si non respondet opinio populi.

*Bene cogitata si excidunt, non occidunt.*

Quod rectè proposueris, etiamsi ad tempus excidit, animo tamen non omninò perit.

*Bene perdit nummos, iudici cum dat nocens.*

Qui corrumpit iudicem pecuniâ, cum sit nocens perdit eam, sed suo bono; proinde bene perdit.

*Bonis nocet, quisquis pepercerit malis.*

Fit injuria bonis, cum impunitas datur malis. Paciores boni futuri sunt, si liceat impune malos esse.

*Bono iustitia proxima est severitas.*

Severitas enim est iustitia rigidior & exactior, vergens tamen ad clementiam.

*Bonum apud virum citò moritur iracundia.*

Apud malos viros ira tardissimè senescit, apud bonos citò.

*Bona turpitudine est quæ periculum indicat.*

Aut sic : *Quæ periculum vindicat.* Satius est pudere, quam pigere ; pudor utilis est perquem arcemur ab his quæ periculosè fecerimus.

*Bona comparat praesidia misericordia.*

In alios misericors, meretur ut in ipsum faventes sint alii, si quid adversi acciderit.

*Bonarum rerum consuetudo pessima est.*

Vilescit quod consuetum esse cœperit. Bonis rebus nihil debet esse charius. Charum est autem quod rarum est.

*Beneficium dignis ubi dat, omnes obligas.*

Virtuti enim datur, non homini ; Et, tuo beneficio bonus in cæteros omnes utitur.

*Crudelis in re adversa est objurgatio.*

Consolandus est amicus, non objurgandus, in rebus afflictis.

*Cavendi nulla est dimittenda occasio.*

Nunquam satis caveris. Aliquando nocendi est omittenda occasio, cavendi nunquam.

*Cui semper dederis, ubi neges rapere imperas.*

Qui adsueverit semper accipere, is putat jam sibi deberi quod datur; adeò ut si negâris, paratus sit eripere, hoc ad magnates peculiaritèr attinet.

*Crudelem medicum intemperans ager facit.*

Ægroti intemperantia facit ut medicus cogatur ad duriora remedia descendere, nempe sectionem, aut uisionem, & similia.

*Cujus mortem amici expectant, vitam oderunt.*

Ejus vita fuerit invisa oportet cujus amici mortem optant.

*Cum inimico nemo in gratiam cito redit.*

Non est statim fidendum inimico. Facile dissolvitur benevolentia, at non sarcitur. Et ira omnium tardissime senescit.

*Citius venit periculum quod contemnitur.*

Magis nocet periculum his qui negligunt, quam qui cavent.

*Castra virum matrona parando imperat.*

Pudica uxor impetrat obsequio suo, ut quicquid velit faciat maritus; & magis imperat cum obsequitur, quam cum exigit.

*Cito ignominia fit superbi gloria.*

Arrogantiam semper sequitur infamia, & qui insolenter utitur gloriâ, incidit in ignominiam.

*Consilio melius vincas quam iracundiâ.*

Ira præceps est, prudentia sedata. Hâc citius efficies quæ voles quam violentiâ & ferociâ.

*Cuius dolori remedium est patientia.*

Omnis dolor lenitur patientiâ. Alia aliis malis sunt remedia; at patientia commune est malorum omnium lenimentum.

*Cum vitia prosunt, peccat qui rectè facit.*

Cum expediat esse malos, tum nocet esse bonos. Et cum præmium est malefactoris, tum benefactoris poena est.

*Contemni est levius quam stultitiâ percuti.*

Satius est contemni ob virtutem, quam stultum quid agere.

*Comes facundus in viâ pro vehiculo est.*

Et hic versus citatur ab Aulo Gello, jucundus confabulator facit ut non sentias viæ tædium, perinde ac si vehiculo porteris.

*Citò improborum lata in perniciem cadunt.*  
Non est diuturna malorum felicitas.

*Crimen relinquit vita qui mortem appetit.*  
Videtur accusare vitam suam qui mortem appetit.

*Cui plus licet, quam par est, plus vult quam licet.*  
Hunc versiculum adscripsi ex Gellio: Cui plus permittitur quam æquum est, is plus sibi sumit quam oportet: Hoc convenit in tyrannos & uxores.

*Damnare est objurgare, cum auxilio est opus.*  
Cum amicus afflictus eget auxilio, tum objurgare non est officiosum, sed damnare est. Primum emendandus est calamitate, postea, objurgandus, quod suâ culpâ in eam inciderit.

*Discipulus est prioris posterior dies.*  
Quotidianâ rerum experienciâ reddimur prudentiores.

*Diu apparandum est bellum, ut vincas celerius.*  
Qui in aggrediendo nimium properant, aliquando tardius conficiunt. Mora in apparando non dispendium est, sed lucrum ad negotium citò conficiendum.

*Dixeris maledicta cuncta, cum ingrati hominem dixeris.*  
Ingratitudo omnia vitia in se complectitur, nullum igitur convicium dici potest contumeliosius. Versus est Trochaicus.

*De inimico ne loquare malum, nocere si cogites.*  
Si cogites nocere inimico, cave loquaris malè; cavebit enim ille. Stultum est igitur male dicere. Nam si amicus est, iniquè facis; si inimicus, minùs illi nocebis.

*Deliberare utilia, mora tutissima est.*  
Tutissimum est, esse lentas consultationes. Nam precipitata consilia plerumque sunt inauspicata.

*Dolor decrescit, ubi quo crescat non habet.*  
Quum malum venerit ad summum, tum necesse est ut fiat remissius.

*Dediscere flere, facinoram, est mendacium.*  
Id est, Fœmina nunquam hoc dediscet.

*Discordia fit charior concordia.*  
Amantium iræ amoris redintegratio est.



*Deliberandum est diu, quod statuendum est semel.*

**De** quo non potes nisi semel statuere, veluti de matrimonio, de sacerdotio; de hoc diu deliberandum est priusquam aggrediaris.

*Difficilem oportet aurem habere ad crimina.*

**Nè** facile credas accusanti quempiam.

*Dum vita grata est, mortis conditio optima est.*

**Tum** optimum est mori, cum adhuc dulce est vivere.

*Damnum appellandum est, cum malâ famâ lucrum.*

**Lucrum** cum jacturâ famæ damnum est, non lucrum.

*Ducis in consilio posita est virtus militum.*

**Frustrâ** sunt fortes milites, ni ducis prudentiâ regantur.

*Dies quod donat timeas citò; raptum venit.*

**Quod** subito contingit, subito solet auferre fortuna; fortasse (timeas) legendum pro (timeas.)

*Dimissum quod nescitur, non admittitur.*

**Non** est damnum quod non sentis.

*Etiâ innocentes cogit mentiri dolor.*

**In** tormentis sæpe & mentiuntur innocentes, adacti cruciatu.

*Etiâ peccato rectè præstatur fides.*

**Adcò** servanda est fides, ut etiâ malis in rebus aliquando præstanda sit.

*Etiâ celeritas in desiderio mora est.*

**Cupienti** etiâ festinatio videtur mora.

*Ex vitio alterius sapiens, emendat suum.*

**Ex** alienis erratis sapiens colligit quid sit sibi cavendum.

*Et deest & superest miseris cogitatio.*

**Deest**, quia non vident, quo pacto possint mederi malis: & superest, qui intelligunt quid debuerint cavere, sed sero.

*Etiâ oblivisci quod scis interdum expedit.*

**Quædam** hujusmodi sunt, ut sint dediscenda. Legi poterat quid sis, ut sit sensus: Expedit aliquoties meminisse magis, quid præsens tempus & res postulet, quam tua dignitas.

*Ex hominum questu facta fortuna est Dea.*

Studium lucri facit, ut fortuna credatur esse Dea quæ faveat. Aut (*ex quaestu*) id est querimoniis: nam illi imputant si quid acciderit mali.

*Effugere cupiditatem, regnum est vincere.*

Vincere avaritiam aut iram plus est quàm regnum.

*Exuli ubi nusquam domus est, sine sepulchro est tantumquam mortuus.*

Opinor ità legendum,

*Cui nusquam domus est, sine sepulchro est mortuus.*

Id est, Exul qui nusquam habet domum, perinde est ut mortuus insepultus, aut cui non est sepulchrum, exilium enim mors est civilis.

*Etiam qui faciunt, odio habent injuriam.*

Nolunt sibi fieri injuriam, nec ii qui faciunt aliis.

*Eriperetelum, non dare irato decet.*

Irato non est danda occasio nocendi, sed potius adimenda.

*Se denegare patria, exilium est pati.*

Sic enim vericulum hunc mutavimus, qui latet & non versatur in republicâ, is suâ sponte exul est.

*Etiam capillus unus habet umbram suam.*

Nihil est tam minutum quod non possit aliquid.

*Eheu quam miserum est fieri metuendo senem.*

Miserrimum est consenescere metu mali, quod nondum advenerit.

*Etiam hosti est æquus qui habet in consilio fidem.*

Qui sequitur quod dicat fides, non quod dolus, is etiam hostibus erit æquus.

*Excelsis multò facilius casus nocet.*

Ex alto cadentibus periculosior est, ac facilius ruina; Ita periculosius deijcitur ex altâ fortunâ.

*Fidem qui perdit, quo se servet in reliquum.*

Qui perdit pecuniam, habet in quod se servet; qui fidem, nihil habet in quod se servet.

*Fortuna cum blanditur, captatum venit.*

Insidiatur fortuna cum blanda est; itaque tum maxime habenda est suspecta cum maxime prospera est.

*Fortunam citius reperias quam retineas.*

**D**ifficillimum est retinere fortunam, nè mutetur ; & major virtus est tueri paratam, quam parare.

*Formosa facies, muta commendatio est.*

**F**aventur enim formosi, etiamsi nihil dicant.

*Frustrà rogatur, qui misereri non potest.*

**Q**ui non potest mollescere precibus, quid opus est hunc rogare ?

*Fraus est accipere quod non possis reddere.*

**D**olus est accipere beneficium à quoquam, cui non possis tantundem reddere.

*Fortuna nimium quem fovet, stultum facit.*

**M**agnæ felicitatis comites sunt stultitia & ignorantia.

*Fatetur facinus qui iudicium fugit.*

**Q**ui detrectat iudicium, indicat se sibi mali conscium esse.

*Felix improbitas optimorum est calamitas.*

**Q**uoties fortuna favet improbis ; hoc fit calamitate, & malo optimorum.

*Feras, non culpes, quod vitari non potest.*

**H**ic versus nominatim citatur à Gellio, quod mutari corrigique non potest, id tacitè ferendum est, non vituperandum.

*Futura pugnant ut se superari sinant.*

**S**ic instant futura mala, ut tamen vinci vitarique possint prudentiâ.

*Furor fit læsæ sapiens patientia.*

**E**t hoc carmen citatur à Gellio. Lenes cùm sæpius provocantur, tandem irritati gravius irascuntur ; quia rariùs & seriùs commoventur.

*Ficta citò ad naturam redeunt suam.*

**S**imulata non diu durant. Et juxta Flaccum,

*Naturam expellas furcâ licet, usque recurret.*

**O**rdo carminis inversus est ;

*Citò ad naturam ficta redeunt suam.*

*Fidem qui perdit, non potest ultrâ perdere.*

**O**mnia perdidit, qui fidem perdidit.

*Facilitas animi ad partem stultitia rapit.*

Facile

Facile adducitur ad vitia qui facili est animo; ut Mitio ille Terentianus, qui ob facilitatem sexagenarius novus factus est maritus.

*Fides, ut anima, unde abiit, nunquam eò redit.*

Ut vita semel amissa nunquam revertitur sic nec fides; juxta illud, *Qui semel scurra, nunquam bonus paterfamilias.*

*Fidem nemo unquam perdit nisi qui non habet.*

Pecuniam non perdit nisi qui habuit. At fidem is dicitur perdidisse qui non habuit, id est, qui perfidus fuit.

*Fortuna abesse nulli contenta est semel.*

Nullum malum venit sine incurso alterius mali.

*Fulmen est ubi cum potestate habitat iracundia.*

Versus est Trochaicus: Potens cum irascitur, fulminat, non irascitur.

*Frustra cum ad senectam ventum est, repetes adolescentiam.*  
Et hic Trochaicus est. Non licet rejuvenescere. Proinde seni tractanda sunt senilia.

*Falsum maledictum, malevolum mendacium est.*

Qui conviciatur & mentitur, malitiosè mentitur.

*Fœmina naturam regere, desperare est omnium.*

Omnes desperant se posse regere mulieris ingenium.

*Fer difficilia, ut facilia levius feras.*

Exerce te rebus difficilioribus, ut alia facilius feras.

*Fortuna nulli plus quam consilium valet.*

Consilium plus efficit quam felicitas.

*Fortuna vitrea est, cum splendet frangitur.*

Vitrum cum maximè lucet, tum facillimè frangitur.

Ita splendidissima fortuna minimè durabilis est.

*Feras quod ledit, ut quod prodest perferas.*

Ut potiaris commodo, feras incommodum.

*Facit gratum fortuna quam nemo videt.*

Fortuna facit invidiosum, nisi lateat; Ergo dissimulanda est.

*Frugalitas miseria est rumoris boni.*

Hunc versum addidi ex Gellio. Esse frugalem, rumor quidem bonus est, sed infelix & parùm vulgò laudatus cui

cui profusio magis placet. Nisi mavis miseriam accipere, pro penuriâ sive inopiâ. Nam tum erit sensus : Qui laudatur frugalis, is non laudatur. Tertius sensus argutissimus est ; Frugalitas est parcimoniz vitium, sed sub honesto laudatoque nomine.

*Grave præjudicium est quod iudicium non habet.*

Post præjudicia sequuntur iudicia, in quibus excutiuntur præjudicia. At grave est illud præjudicium, quod non sequitur aliud iudicium, sed ipsum iudicium, hoc est, veluti si princeps præ se ferat animum inimicum in quempiam, nullus sit iudex qui secus ausit iudicare.

*Gravissima est probi hominis iracundia.*

Vir bonus ut tardior est ad iram, ita gravius irascitur si victa sit illius bonitas.

*Gravis animi poena est, quem post factum poenitet.*

Magnam poenam dedit quem poenitet facti.

*Gravis animus dubians non habet sententiam.*

Vir constans certa habet consilia.

*Grave est malum omne quod sub aspectu latet.*

Malum illud est immedicabile quod prætextu bonæ rei personatum est. Nam hic *aspectum* vocat personam.

*Gravius nocet quodcumque ineptum accidit.*

Nova mala gravius dolent.

*Gravior inimicus, qui latet sub pectore.*

Affectus vitiosus maximè nocet homini, atque latet sub pectore, nec potest excuti.

*Gravissimum est imperium consuetudini.*

Consuetudo planè tyrannidem quandam obinet in rebus humanis, adeo ut stultissima quæque in semel inoleverint, revelli non possint.

*Grave crimen, etiam cum dictum est leviter, nocet.*

Veluti si quis apud Anglos, vel joco vocet aliquem Proditorem, non caret periculo ob odium criminis.

*Hæc quam difficile est gloriæ custodia ?*

Fama honesta facillimè contaminatur, & difficilior est eam tueri quàm parare.

*Homo extra corpus est suum, cum irascitur.*

Non

Non est apud se quisquis irascitur: Respondet illi superiori; *Absenti loquitur qui cum irato litigat.*

*Hu quam est timendus quicunque mori tutum putat.*

Qui mortem contemnit, is vehementer est timendus, propterea quod, Alienæ vitæ dominus est quisque suæ contemptor est.

*Homo qui in homine calamitoso est misericors, meminit sui.*

Intelligit enim sibi posse accidere, ut sit opus auxilio. Versus est Trochaicus.

*Honestu est turpitudine pro bonâ causâ mori.*

Gloriosa est infamia, vitam impendere justitiæ. Et hic Trochaicus est.

*Habet in adversis auxilia, qui in secundis commodat.*

Et hic Trochaicus est. Qui cum feliciter agit, aliis subvenit, huic alii subveniunt in rebus adversis.

*Heu quam miserum est lædi ab illo de quo non possis queri!*

Et hic Trochaicus est. Dignum est lædi, vel ab amico vel à potente; quod queri de altero non est honestum, de altero non est tutum.

*Hominem experiri multa paupertas jubet.*

Paupertas ingeniosa est, & artium repertrix: Et *Ingenium multa sapientia movet, juxta Nasonem,*

*Heu dolor! quam miserum est, qui in tormento vocem non habet.* Et hic Trochaicus est. In tormentis verum exquiratur; et quidam ita torquentur ut non ausint verum dicere, scientes quid velit taceri, qui torquet.

*Heu quam poenitenda incurrunt homines vivendo diu!*

In longâ vitâ multa accidunt quæ nolis. Hic quoque Trochaicus est.

*Habet suum venenum blanda oratio.*

Insidiosa est blandiloquentia & mellitum venenum.

*Homo toties moritur, quoties amittit suos.*

Orbitas mors quædam est.

*Homo semper in sese aliud fert, in alterum aliud cogitat.*

Hic est Iambicus Tetrameter. Nemo non est dissimulatur.

*Hic est rumor alterum est patrimonium.*

Tantundem ferè valet honesta fama quantum patri-  
monium.

Homo nescit si dolore fortunam invenit.

**Non sentitur dolor quo paratur aliquid commodi.**

*Honestè servit qui succumbit temporì.*

Honestum est servire tempori, & cedere fortunæ ad  
tempus.

*Homō vitā commodatus, non donatus est.*

Vita datur ad tempus, ut, qui dedit, exigit suo jure,  
quandocunque velit.

*Hereditatem scire utilius est quam querere.*

Quidam codices habent *ferre* pro *scire*. Sati<sup>us</sup> est  
ferre qualem<sup>cunq</sup>ue hæredem, quam nullum habere.

Silegas *scire*, sensus est. Præstat habere liberos quibus tua relinquant, quàm circumspicere alienos, quibus tua relinquant.

*Heredis fletus sub personâ risus est.*

Hic quoque versus citatur à *Gellio*. Fletus hæredis est risus personatus, id est dissimulatus: gaudet enim, etiamsi flet.

*Habent locum maledicti crebra nuptiæ.*

Vulgus malè fentit de muliere fæpe nuptâ.

*Inferior horret quicquid peccat superior.*

Quod principes peccant, id recidit in malum ple-  
bis.

*Inimicum ulcisci, vitam accipere est alteram.*

Jucundissima res est vindicta, & velut altera vita. Primum vitam rueretur suam, deinde capit voluptatem ex ultione.

*Id agas, nè quis tuo te merito oderit.*

Odium effugere non possumus; ne quis nos merito  
oderit, id cavere possumus.

*Inquitum cū retineas exire incitas.*

Qui non cupit manere, hunc quo magis retines, hoc magis cupit abire.

Ingenuitatem laedis, cum indignum rogas.

Servile est, supplicem esse homini indigno ; lædatur igitur ingenuitas.

*In nullum avarus bonus est, in se pessimus.*

Nulli benefacit avarus, se vero etiam discit uti atque  
studia rerum suarum.

*Inopi beneficium his dat, qui dat celeriter.*

Bis gratum est beneficium quod statim promptèqu  
datur egenti.

*Instructa inopia est in divitiis cupiditas.*

Cupere, cum abundes, inopia quædam est, non expe  
dita, sed instructa & onusta; quasi dicat, dives inopia.

*Invitat culpam, qui peccatum præterit.*

Qui dissimulat peccatum, is invitat ut iterum pec  
cet.

*Fecundum nihil est nisi quod reficit varietas.*

Nihil tam dulce, quod non pariat satietatem, nisi  
varietate conditur.

*Ingenuitas non recipit Contumeliam.*

Generosi & ingenui animi est negligere contumeliam.  
Aut sic; Generosus animus impariens est contumeliæ.

*Impune peccat in eum, qui peccat rarior.*

Fortè sic legendum est, impune peccat, cum quis pec  
cat rarior; aut impune peccat, cum quis peccat rarius.

*Ingratus unus miseris omnibus nocet.*

Unius hominis ingratitudo facit, ut nec gratis suc  
curratur cum egeant.

*In miserâ vitâ nulla contumelia est.*

Hoc carmen variè reperi depravatum, & haud scio  
an rectè divinârim: Non videtur contumelia, quam  
facias in hominem malum, & infelicem: Nisi sic  
mavis, in vitia miseri contumelia est discere; id  
est, contumeliæ genus est insectari vitia hominis  
miseri qui magis eget consolatione.

*Inopia parva desunt, avaritiæ omnia.*

Seneca citat hujusmodi Publii carmen.

*Luxuria desunt multa, avaritiæ omnia.*

Quamquam hic quoque Versus constabit si legas,  
Inopiæ desunt parva, sive pauca: Quod ego malim.  
Multa desiderat pauper ad vitæ usum, sed avarus  
magis eget, qui nec id habet quod habet.

ita



*Ita amicum habeas, posse ut fieri inimicum putes.*

et hic citatur à Gellio. Sic ama, tanquam osurus ;  
et confidas amico, ut si fiat inimicus, non multum  
offit laedere.

*Invidiam ferre, aut fortis aut felix potest.*

Fortunati negligunt invidiam, vir fortis contemnit.

*In amore mendax semper iracundia.*

Eadem est sententia quam antè dixit.

Amans iratus multa mentitur sibi.

*Invidia tacite, sed minute irascitur.*

Invidus habet iram suam, sed dissimulatam, & mi-  
nutam, hoc est, de re nihili.

*Iratum breviter vites, inimicum diu.*

Ira statim subsidit, odium diuturnum est. Odit autem  
quisquis est inimicus. Ab hoc igitur diu cavendum est,  
imò semper. Hoc ipsum admonet sapiens Hebræus,  
Ab hoste reconciliato cavendum.

*Injuriarum remedium est oblivio.*

Vindicta non medetur injuriis tibi factis, sed oblivio.

*Iracundiam qui vincit, hostem vincit maximum.*

Trochaicus est. Fortissimi est, iram suam vincere. Hoc

Alexander, ille magnus orbis dominator, non potuit.

*In malis sperare bonum, nisi innocens, nemo solet.*

Et hic Trochaicus. Bona conscientia facit ut in  
malis speremus Superos auxiliaturos.

*In vindicando criminosa est celeritas.*

Quidem habent, in judicando. Nè sis præceps vel ad  
ultionem, vel ad judicandum.

*Inimicum quamvis humilem docti est metaere.*

Sapientis est non contemnere hostem quantumvis  
humilem ; potest enim per occasionem nocere.

*In calamitoso risu etiam injuria est.*

Miseri risu etiam offenduntur. Et quibus res sunt mi-  
nus secundæ, ad suspicionem mali rapiunt etiam  
casu dicta.

*Judex damnatur cum nocens absolvitur.*

Cum absolvitur nocens tunc judex non innocens sit  
oportet.

*Ignoscere humanum, ubi pudet cui ignoscitur.*

Non

Non ignoscendum est nisi pœnitet facti.

*In rebus dubiis plurima est audacia.*

Fortè legendum est *plurimum* vel *plurimi*. Multum  
valet audacia cum res est dubia, hoc est, periculosa.

*Illo nocens se damnat quo peccat die.*

Quisquis admittit scelus, illicò sibi damnatus est  
iudice conscientia; etiam si iudex nemo pronunciet.

*Ità creda amico, re sit inimico locus.*

Idem dixit antea: *Ità amicum habeas, &c.*

*Iratus etiam facinus consilium putat.*

Qui irascitur, etiam scelus putat iudicio rectè  
fieri, aut iratus lædi se putat ab eo qui bene consultat.

*Improbè Neptunum accusat, qui iterum naufragium  
facit.*

Hoc addidi ex Gellio. Qui semel expertus, iterum  
exponit se periculo, imprudenter accusat Fortunam.  
Est autem & hic Trochaicus Tetrameter.

*Loco ignominie est apud indignum dignitas.*

Honor commissus indigno non honestat eum, sed  
magis dedecorat.

*Laus ubi nova oritur, etiam vetus admittitur.*

Si iterum rectè facies, efficies ut superiori de re  
famæ fidem habeant homines.

*Levo doloris remedium inimici dolor.*

Suum malum minus sentit qui potest ulcisci.

*Levis est fortuna; citò reposita quæ dedit.*

Fortuna inconstans statim repetit & aufert, siquid  
dedit.

*Lex universa est, quæ jubet nasci & mori.*

Necessitas nascendi & moriendi neminem non com-  
plectitur.

*Lucrum sine damno alterius fieri non potest.*

Unius lucrum damnum est alterius. At non item  
rebus animi.

*Lascivia & laus nunquam habent concordiam.*

Intemperantia semper obnoxia est infamiae.

*Legem nocens veretur, fortunam innocens.*

Innocens etsi non veretur leges, ut nocens; tamen ti-  
met

met fortunam, quæ nonnunquam opprimit innocentem.

*Luxuria defunt multa, avaritia omnia.*

Hunc versum citat Seneca in controversiis: Multis profusor, avarus eget omnibus; illi multis est opus, qui multum absomit; huic nihil est satis, cum sit insatiabilis.

*Malignos fieri maximè ingrati docent.*

Ingrati faciunt, ut qui benigni fuerint contractius donent. Hos enim Malignos vocat, id est parcos.

*Multis minatur qui uni facit injuriam.*

Omnes expectant injuriam ab eo qui uni fecerit.

*Mora omnis odio est, sed facit sapientem.*

Molesta est mora in omni re, tamen ea res nos reddit sapientes, nè quid agamus temerè aut inconsultò.

*Mala causa est quæ requirit misericordiam.*

Innocentia non eger misericordiâ sed æquum desiderat judicem. At cum fiducia rei tota est in misericordiâ judicis, pessimam habet causam.

*Mori est felicitis antequam mortem invocet.*

Ille feliciter moritur qui tum moritur dum adhuc jucunda est vita, ac nondum hujus tædio mortem optat. Quidam codices pro felicitis, habent felicitus.

*Miserum est tacere cogi quod cupias loqui.*

Durum est cum non licet loqui quod velis; nam illic nultò minus licebit facere quæ velis, si loqui non licet.

*Miserrima est fortuna quæ inimico caret.*

Felicitas incitat inimicitias: ergo cui nullus invitet, is miserrimus sit oportet.

*Malus est vocandus qui suâ causâ est bonus.*

Qui bene facit commodi sui causâ, is malè facit.

*Malus ubi bonum se simulat tunc est pessimus.*

Dis simulata malicia pessima est.

*Metus cum venit, varum habet somnus locum.*

Timor abigit somnum. Aut non est dormitandum in periculo.

*Mori necesse est, sed non quoties volueris,*

Aliquando optant mortem homines, cùm mori non possunt. At semel duntaxat moriendum: nam morte non datur reviviscere. Hoc dictum adversus eos, qui quoties accidit aliquid in vita molesti, mortem optant, quasi liceat reviviscere.

*Malè geritur quicquid geritur fortuna fide.*

Quod à fortunâ pender, id parum est firmum.

*Mortuo qui mittit munus, nil dat illi adimit sibi.*

Olim solebant inferias exhibere mortuis; horrit vivis, & nihil accipit mortuus, Trochaicus c.

*Minor est quam servus dominus qui servos timet.*

Infra servos est, qui servos suos timer; nemp sibi conscius.

*Magis hæres fidus nascitur quàm scribitur.*

Filius nascitur hæres, hæredipeta scribitur. Hoc adversus illos qui fraudatis iis quos natura conjunxit ob offensam aliquam res suas ad alienos transferunt.

*Malo in consilio fœminæ vincunt viros.*

In rebus malis plus sapiunt fœminæ quàm viri.

*Mala est voluptas, alienis assuescere.*

Dulcis cibus alienus, sed fœda voluptas est, assuescere alienis.

*Magno cum periculo custoditur quod multis placet.*

Trochaicus est. Difficile est servare quod expetunt multi, veluti pecuniam aut formosam uxorem.

*Mala est medicina, ubi aliquid natura perit.*

Medicina quæ lædit naturam, dura est; veluti quæ membrum aufert.

*Mala natura nunquam doctrinâ indigent.*

Ad mala vel citra doctrinam sumus idonei; virtus discitur.

*Miseriam nescire est sine periculo vivere.*

Qui sine periculo vivit, is feliciter vivit: vita tutâ quamvis humilis, felicissima est.

*Malè vivunt qui se semper victuros putant.*

Semper enim prorogant in crastinum, si quid est voluptatis aut bonæ rei.

*Maledictum interpretando facies acrius.*

Qui-

videm excusant convicium interpretatione, atque  
magis irritant.

*Malè secum agit ager, medicum qui haredem facit.*  
vitat enim ut occidat.

*Minus decipitur cui negatur celeriter.*  
linus enim diu sperat, & frustratur leviùs.

*Mutat se bonitas quam irritat injuria.*  
ni fiunt mali si provoces.

*Mulier cum sola cogitat, malè cogitat.*  
lulier apud se cogitabunda, aliquid mali volvit in  
simo : pudor enim cohibet eum sexum, qui abest in  
lirudine.

*Malefacere qui vult, nusquam non causam invenit.*  
lalis nunquam deest occasio malefaciendi.

*Malevolus semper suâ naturâ vescitur.*  
tiam si deest præmium maleficii tamen malevolus  
uitur suâ malitiâ, & vel gratis malus est.

*Multos timere debet quem multi timent.*  
quem multi timent hunc pauci amant. Is igitur  
icissim timeat oportet, à quibus timeretur.

*Malè imperando summum imperium amittitur.*  
mmum imperium est, bene imperare: id amitti-  
ir malè imperando. Aut nullum imperium tam po-  
ns quod non amittitur si tyrannicè imperes.

*Mulier quæ nubit multis, multis non placet.*  
lale audiunt vulgò quæ sæpius mutant maritum.  
ut infelices sunt, aut incontinentes, aut inconstan-  
s, aut morosæ. Quæcunque enim nubit marito  
cundo, priori displicuit à quo divertit.

*Malum consilium est, quod mutari non potest.*  
unquam te involvas hujusmodi nodo, ut explicare  
non possis. Hunc versum adjecimus ex Aulo Gellio.

*Nihil agere semper infelici est optimum.*  
ui infortunatus est in rebus gerendis, huic opti-  
um est inotio vivere.

*Nihil peccant oculi si animus oecidis imperet.*  
culos inculpamus, quasi ministrent occasionem ma-  
rum cupiditatum ; at animus in culpa est, qui ocu-  
s non imperat.

# 66 MIMI PUBLIANI.

*Nihil proprium ducas quod mutari possit.*

Nihil existimes verè tuum, ac perpetuum, quod possit auferri.

*Non citò ruinâ perit vir, qui ruinam timet.*

Fortasse sic legendum ut sit Trochaicus,

*Non citò perit ruinâ qui ruinam prætimet :* Id est, Non facile opprimitur incommodo, qui præcavet incommodum ; & non facile opprimitur periculo, qui periculum observat.

*Nescis quid optes, aut quid fugias, ita ludit dies.*

Iambicus est Tetrameter. Ita ludit tempus, & fortunæ vicissitudo, ut sæpe, quæ putâris optima, sentiat maximè nocere, & è contrâ.

*Nunquam periculum sine periculo vincitur.*

Et hic citatur à Gellio. Audendum est aliquo pacto si cupias effugere periculum : Nam qui timet omnia nunquam sese explicabit.

*Nulla tam bona est fortuna de quâ nil possis queri.*

Trochaicus est. Felicitati semper aliquid adjunctum est incommodi.

*Nusquam melius morimur homines, quam ubi libenter vivimus.*

Ibi mori optimum, ubi jucundè vivimus. Trochaicus est

*Negandi, causa avaro nunquam deficit.*

Qui non dat libenter, semper aliquam invenit causam cur non det.

*Nimium altercando veritas amittitur.*

Moderatâ disceptatione veritas excutitur, ac immoderatâ perditur. Id quod prorsus accidit sophisticis quibusdam ac rixosis disputatoribus. Hic versus à Gellio citatur.

*Quotidiè damnatur, qui semper timet.*

Qui sibi conscius, semper timet supplicium ; is quotidie damnatur.

*Quotidiè est deterior posterior dies.*

Semper ætas vergit in pejus, hoc est, mores hominum indies magis ac magis degenerant.

*Ridiculum est odio nocentis perdere innocentiam.*

Tro

*Trochaicus est. Stultum est sic odisse peccatum, ut ipse pecces; veluti si quis ob impudicam uxorem veneno tollat adulterum, & sic puniat adulterum, ut ipse fiat veneficus.*

*Pars beneficii est, quod petitur bene si neges.*

*Quidam ita moleste dant, ut gratiam amittant beneficii.*

*Quidam adeo commodè negant, ut videantur dedisse.*

*Stultum est timere quod vitari non potest, Veluti mortem, aut aliud fatale incommodum.*

*Timidus vocat se cautum, parcum sordidus.*

*Suis quisque vitiis blanditur eaque extenuat mutatis nominibus.*

*Veterem ferendo injuriam, invitas novam.*

*Et hic citatur ab Aulo Gellio, Si finas impunitum peccatum, facis ut iterum libeat peccare.*

*Tam deest avaro quod habet, quam quod non habet.*

*Hunc Senarium citat Seneca: in Controversiis. Avarus non magis utitur suis quam alienis, utrisque igitur ex æquo caret.*

*O vita misero longa, felici brevis.*

*Et hunc refert Seneca: Infelices laborant vitæ tædio; Felicibus mors ante diem videtur accidere; quod vitæ tædium non sentiant.*

## RODOLPHUS AGRICOLA

*Johanni Agricola, suo fratri, S. D.*

**N**ihil habeo, mi frater, quod vel ego aptius tibi pro nostra necessitudine, ut qui frater sis tuus, offerre possim; vel tu potius pro tua ætate, ut qui prima juventutis spatia ingrederis, ex me expectare debeas, quam ut undecunque possim, ea tradam tibi, quibus & eruditione ornatior, & vita melior evadas. Idq; dignum studiis meis, dignum amore nostro arbitror munus, ea parare tibi quorum usus non tempore intercizat, non casibus obnoxius sit: sed quemadmodum natura perpetuo nos devinxit pignore, ita illa quoq; quæ à me accipis, solida perinde sint perpetuq;

peruôq; tibi adjumento futura. Quod si pulchrè apud Poetam ille monuisse filium videtur, qui inquit *Disce puer virtutem ex me, verumq; laborem; Fortunam ex aliis*; & illi quidem cujus omnis conatus pendeat ex fortuna, omnis ad fortunam labor dirigebatur; non immeritò virtutis ego tibi hortamenta colligam, qui vitam hætenus eis impendi studiis, quæ verâ certissimâque ad virtutem ducunt viâ quæque in rebus humanis quid expetendum sit, quid fugiendum, quid rectè secusque fiat veluti in speculo, conspiciendum nobis, considerandumque proponunt. Cum sint autem permulta quæ ad vitæ pertinent institutionem, Græcis, Latinisque literis conscripta; egregia imprimis & mirabilis *Isocratæ ad Demonicum Parænesis* mihi videtur. Ea enim suavitas est dicendi, is ornatus, & (ut ita dicam) sculptura orationis; tanta præterea majestas, utilitas, decor præceptorum, ut, si quemadmodum pugiles meditados quosdam nodos nexusque habent, quibus in certamine subito vel non cogitantes etiam utantur; ità nos quoque oporteat certarumquædam & ad manum deposita vitæ habere præcepta, quæ omnes nostras velut ad filum, dirigant actiones, quorumque tenax reflexa mentibus nostris memoria, recti nos limite egredi ubique vetet; hic libellus aprus vel maxime ad hanc rem, atque accommodatus mihi videbatur. Eum itaque in Latinum sermonem à Græco converti, rem scrupulosam conatus, ut numeros quoque, quorum ille fuit observantissimus, & schemata, vel (ut nos dicimus) exornationes orationis, quoad possem imitarer. Per similiter enim cadentia & desinentia, & æquata, & contrapposita, & reliquos, id genus ornatus, volvitur oratio. Quorum ut studiosus præcipue Gorgias Leontinus Præceptor ipsius, alique ætatis illius sophistæ fuerunt: ità diligentior ipse, ut secuti ipsum, non affecti viderentur. Hunc ego legendum tibi etiam atque etiam, & ad verbum quæque ediscendum sentio, semperque velut ante oculos tanquam



quam regulam quandam, vitæque præscriptum habendum. Ita fiet ut non solum instruat os tuum, verum animum quoque emendet. Quemadmodum enim ad doctrinam præcipuum est, Intelligere quæ legas; ita ad virtutem maximum, facere quæ intelligas.

ISOCRATIS ad DEMONICUM  
Parænesis, per Rodolphum Agricolam è Græco  
in Latinum sermonem traducta.

**I**N multis, Demonice, rebus multum inveniemus distantes bonorum mentes, atque malorum cogitationes; multò verò maximum accepere discrimen circa mutuam consuetudinem vitæ. Hi enim præsentibus solum amicos venerantur, illi eos quoque ubi longè absunt benevolentiam prosequuntur, & malorum quidem amicitias tempus exiguum dissolvit, ac bonorum nè omnis quidem ævi tractus extinguit. Quum putem igitur eos qui gloriam expetunt, quique suos eruditioni conatus destinant, bonos & nequaquam malos decere sectari, hanc orationem dono tibi misi, indicium erga te benevolentiae, signumq; cum Hipponico familiaritatis. Decet enim liberos quemadmodum facultatum, ita amicitiae quoque paternae hæreditatem suscipere. Video autem & occasionem nobis convenientem, & præsentis nos opportunitatem temporis adjuvantem. Tu enim erudiri cupis, ego erudire alios adnitor. Tu sapientiae studio adhuc teneris, ego deditos illi rectæ viæ deduco. Quicumq; autem adhortatorias ad amicos suos orationes conscribunt, pulchrum illi quidem opus assumunt; non tamen circa id, quod est in philosophiâ præstantissimum, laborant. Qui verò adolescentibus præmonstrant, non ea quibus vehementiam in dicendo consequantur, sed quo pacto vita moribusq; industrii fiant, tanto magis quam illi audientibus profunt, quantum interest, quod illi ad sola ipsos verba conformant, hi verò ipsorum quoq; facta emendant. Quamobrem nos non ex orationem tibi parantes, sed insti-

tutionem tibi scribentes, pergemus nostri te consili-  
 participem facere, quas res oporteat adolescentes de-  
 siderare, & quæ rursus opera vitare; qualibus ite-  
 hominibus se conjungere, & quomodo suam ipsorum  
 vitam instituire. Quicumque enim vitæ cursum ho-  
 itinere fecerunt, hi soli ad ipsam virtutem ingenu-  
 adire potuerunt; quâ non res honestior, non con-  
 stantior est ulla. Pulchritudo enim vel valetudin-  
 perit, vel tempore flaccescit. Divitiæ vitiorum sunt  
 potius quàm integritatis ministræ, facultatem nempe  
 desidii præbentes, & ad voluptatem juvenes in-  
 tantes. Robur prudentiæ conjunctum profuit, *sim*  
 illa verò sæpius eum, qui id habet, offendit: & cor-  
 pora quidem eorum qui se exercent adornat, indu-  
 striam verò mentis obscurat: Virtutis autem posses-  
 sio, quorum bona fide mentibus ipsa coaluerit, sola  
 consenescit, divitiis potior, utiliorq; generis splen-  
 dore; quæq; fieri nequeunt ab aliis, illa suis viribus  
 subdens, & multitudini metuenda constanter expe-  
 ctans, desidiam dedecus, laborem laudem arbitratur.  
 Hoc cognitu perfacile est ex gloria certaminum Her-  
 culis, operumq; à Theseo gestorum, quibus morum  
 præstantia tantum laudis insigne operibus adjecit,  
 ut omnis temporum posteritas, rebus quas gesserunt  
 offundere nequierit oblivioni. Sed & tu quoque  
 memor patris tui vivendi sectæ, nonne habebis pul-  
 chrum & domesticum eorum quæ à me tibi dicuntur  
 exemplum? Neque enim parvi virtutem faciens, ne-  
 que socordiæ deditus egit ætatem, sed corpus labo-  
 ribus exercebat, animo pericula subibat; neque ex-  
 tra modum divitias expetebat, sed præsentibus qui-  
 dem fruebatur bonis, veluti mortalis, gerebarque  
 curam futurorum velut immortalis. Neque verò con-  
 tempte vitam instituerat, sed elegans erat & magni-  
 ficus simulque expositus amicis. Impensius laudabat  
 officio ipsum prosequentes, quam generis sibi necessi-  
 tudine devinctos. Persuadebit enim multò ad amici-  
 tiam efficacior esse naturam lege, mores genere,  
 electi-

# PARÆNESIS.

electionem necessitate. Tempus in præsentia nos deficeret, si omnes illius actiones enumerare pergas: exacteque de illis nobis alio erit loco dissendendum. Nunc signum quoddam Hipponici sustulimus naturæ, ad quem velut exemplar vitam formes oportet, legemq; tibi mores illos putes, & imitatore te æmulumque virtutis paternæ præbeas; turpe namq; fuerit, pictores pulcherrima quæq; exprimere animantium, & liberos non imitari industriam patrum. Existimes autem nullum ita pugilem contra adversarios suos decere meditari, sicut te considerare, quo pacto cum patris tui ratione vivendi decertes. Fieri autem non potest, ut animum quisquam taliter formet, nisi multis ante honestisque præceptis fuerit expletus. Corpora namque moderatis laboribus, animus verò actionibus honestis, roboratur. Experiar igitur breviter ea tibi exhibere, quibus observandis in vita plurimum videaris virtutibus additurus, & gloriam cunctos apud homines consequuturus.

**P**rimum quidem pie divina colas; non solum sacrificans, verum etiam quod juraris præstans. Illud enim affluentia opum est signum, hoc morum probitatis indicium.

Numen venerare semper quidem præsertim quod civitas; sed etiam simul videberis sacra Deo facere, legibusque obtemperare.

Talem te exhibeas erga parentes, quales exhibere se tibi voles ex te progenitos.

Firma te exercitationibus corporis, non iis qua robori, sed qua sanitati conducunt. Id assequeris, si desinas laborare tolerando adhuc labori sufficiens.

Neque in risum proclivis esse velis, neque in verba confidens; illud enim stulti est, istud furentis.

Qua factu turpia sunt, nè dictu quidem putes honesta.

Fac assuescas non tristis esse, sed cogitabundus: propter illud enim ferox, propter hoc providus esse crederis. Putes imprimis decere te modestiam, pudorem, justitiam, temperantiam; istis enim omnibus contineri probitas adolescentium videtur. Neque latitatum te, si turpe quippiam feceris, speres: ut enim alios celos, teipsum tamen conscium habebis.

Deu.

Deum time, parentes honora, amicos revere, legibus obedi, voluptates sectare gloria junctas : oblectatione enim cui honeste nihil est melius, sine illâ nihil est peius.

Oblectationes devites, tametsi fuerint falsæ ; vulgus enim veritatem ignorat, opinionemque potius spectat.

Sic facito cuncta velut neminem celaturus ; tametsi enim parumper occultes, postea tamen detegeris.

Plurimum tibi opinionis adjunges, si appareat ea te non facere, quæ si fuerint ab aliis facta, reprehendas.

Si cupidè didiceris, multa quoque discas. Quorum habes doctrinam, ea meditationibus custodias ; ac quæ nescis, præceptis adjuuge doctrinam. Equè namque turpe est, eum qui utilis audit orationem non addiscere, & cui datur ab amicis munus aliquod non recipere.

Vita otium studio percipiende eruditionis impende ; sic enim difficulter ab aliis inventa facile tibi percipere contingat. Puta multitudinem præceptionum multis opibus esse potiorē ista enim celeriter delabuntur, illa in omne permanent tempus. Sola enim rerum omnium immortalis est Sapientia.

Nè pigeat longum facere iter ad eos qui conducibile aliqui docere profitentur. Turpe namque fuerit mercatores tantum transire maria, quo cumulationes opes suas efficiant ; adolescentes verò nè terrâ quidem sustinere proficisci aliquo, quatenus meliorem suam faciant mentem.

Moribus fac ut sis comis, verbis autem affabilis. Est autem comitatis, benignè obvios appellare ; affabilitatis, familiariter cum ipsis verba communicare. Benignum te præbea cunctis : optimis autem utaris. Sic & illis inimicus non eris, & istis amicus fies.

Neque crebro convenies eosdem ; neque diu cum iis agas idem : SATIETA S enim est omnium.

Exerce spontaneis te ipsum laboribus, ut adactos quoque perferre queas.

A quibus turpe est animum vinci, eorum omnium temperantiam exerce, lucri, ira, voluptatis, doloris.

Id autem continget, si lucrum putaveris in quo gloriam augere, non quo divitias addas. In ira, si talis sis adversus peccantes, qualis delinquenti tibi esse alios velles. In jucundis





**THE BORROWER WILL BE CHARGED  
AN OVERDUE FEE IF THIS BOOK IS  
NOT RETURNED TO THE LIBRARY ON  
OR BEFORE THE LAST DATE STAMPED  
BELOW. NON-RECEIPT OF OVERDUE  
NOTICES DOES NOT EXEMPT THE  
BORROWER FROM OVERDUE FEES.**

**CITY OF NEW YORK**  
**LIBRARY**  
**STAMPED**








3 2044 012 754 636



Widener Library



3 2044 083 454 959

HD